

सानसेयारि "बड'सा" ख्रौरालाइयाव
समानज्यादि जिज्जो लोखा थाबाय रायथाय, खन्थाय,
सल', सल'बाथा आरु दावबायारि थावनि, पार्क
बाइदिनि स्यायव लिन्नाय लिन्निदां दैथाय हर/
सानसेयारि "बड'सा" ख्रौरालाइया खेबखानानै
फोखावगोन।
बड'सायव लिन्नायव हुबा खालाम,
"बड'सा" ख्रौ नौथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Sunday ★ 29 August, 2021 Kokrajhar, BTC, Assam ★ Vol.- 31, Issue No. 154 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

आयुष फाहामथाय खान्धि फोसावनायनि थाखाय मेल खुंदो

सा-सान्जा आयुष खोन्धेख्रौ जौगाखांहेनायनि थाखाय आयुर्बेडिक
फर्याखालिमाख्रौ गोजौ थाखायनि मिरु मह्रै जौगाखांहेनाय जागोन: गिबि मन्थि

दिसपुर, 28 आगस्ट:
राइज्योनि गिबि मन्थि ड
हिमन्त बिश्व शर्मा आ दिने
आयुष आरु गाथोन, जाहाज
आरु दै लामा बिफाननि मिरु
मन्थि आरु आसामनि बार
गिबि मन्थिनि सर्बानन्द
सनवालनि नुजाथिफेनायव
आसाम खुंथायारि मावफारिया
फरायसालिमाआव आयुष
नौथांनि सिबिथायव आयदनि
सिडाव आयुष फाहामथाय
खान्धि फोसावनायनि थाखाय
खुंफु'जानाय सा-सान्जा
राइज्योफोरनि देहा मन्थिफोरनि
जथुमायाव बाहागो लादो।
जथुमायाव थान्दैफोरखौ
बान्जायनानै गिबि मन्थि ड
हिमन्त बिश्व शर्मा आ बुंथियोदि,



आयुषआ जौनि जारिमिनारि
आरु जौनि गोदो-गोदायनि
नेमखान्धिफोरजो गोरोबनानै
दड। आयुष राहायाव जोडो
बिहोमा होनो हायोब्ला बेयो
जौनि सुबु' समाजखौ आरु

बांसिनै गोरोबहोलायगोन। गिबि
मन्थि आ बुंथियोदि, सा-
सान्जायाव थानाय
गोरोबलायनायनि थाखाय बे
ओन्सोलाव आयुष खोन्धेख्रौ
जौगाखांहेनायनि थाखाय थि

जौगाखांहेनो हायोब्ला सा-
सान्जानि इयुनआ आयुषनि हाव
मह्रै मिथिसारजागोन। कभिडनि
थासारियाव बेराम होबथानाय
आरु क्लिनिकेल राहायाव
आयुर्बेडिक मुल्या बिहोमा
लानायनि बाथाखौ मख'नानै
गिबि मन्थि आ बुंथियोदि,
राइज्यो सरकार आयुष खान्धि
बांसिन्थारै जौगाखांहेनायनि
थाखाय दुधनै आरु माजुलियाव
आयुष फाहामसालि लुफुनायनि
थाखाय राइज्यो सरकार थांखि
लादो। बियो लोकोसे
बुंथिबावोदि, दुधनैनि आयुष
(□ 5 बिलाइआव)

उदालगुरि जिल्लायाव
झगस, गान्जा आरु जौनि
आयेन बेरेखा फालांगिया
सोलिगासिनो दं
कालाइगाव, 28 आगस्ट:
राज्यो सरकारनि आबागारि
बिफाननि बिबाना बोरो ?
बेबायदि बिफाना गाहाम
बिबान सामब्लायनि थाखायनो
झगस, जौ, गान्जा आरु
बिलाथि जौनि आयेन बेरेखा
फालांगिफोर सानफा एफा
बांबोनो हमदो। मख'नो
गोनादि करना भाइरसनि
साग्लोबसारनायनि जाहोनाव
(□ 5 बिलाइआव)

संकश दैमानि हा खुरखानायखौ थाबैनो
होबथानायनि राहा लानो रेव रेवा नारजीहारिनि रादाय
बड'सा, गसाइगाव 28
आगस्ट: दासानदि राइज्योआव
जुब जुब अखा हानायनि
जाहोनाव राइज्योनि दाब-दाब
ओन्सोलफोराव दै बाना
जानायनि गेजेराव कक्राझार
(□ 5 बिलाइआव)



गाहाइ मन्थि जन-धन यजना बिथांखिया 7 बोसोर आबुं जाबाय

गोदान दिल्ली, 28 आगस्ट:
मिरुयाव बिजेपि सरकार
खुंथायनि गोहोयाव फैनानि
उनाव हादतनि सरासन्सा
नोगोरफोरनि रांखान्थियारि
हेफाजाबनि थाखाय जागायनाय
गाहाइ मन्थि जन-धन यजना
बिथांखिया दिने 7 बोसोर आबुं
जाबाय। दिने बे बिथांखिनि 7
बोसोर आबुं जानाय सानाव
गाहाइ मन्थि नरेन्द्र मदिआ
बुंदोदि, बे बिथांखिनि गेजेरजो

बड'सा थान्दै गसाइगाव, 28
आगस्ट: बिटिआर सरकार अमा
फिसिनानि थाखाय मोन 200
सेल्फ हेल्फ ग्रुपफोरनो 2 लाख
रां अन्सुथाय होनो थांखि लादो।
बे बाथाखौ बुंथिदो बिटिसिनि
जुनात आरु ना फिसिप्रा
(□ 5 बिलाइआव)



गुवाहाटी, 28 आगस्ट: हादत
उदांसिनि 75 थि बोसोर
जानायनि लोब्बायै आजादि का
अमृत महत्सव महा फोबो
फालिनायनि मोनसे बाहागो मह्रै
एसएसबि सान्थिफोरनि
बान्जायनायाव मोनसे
साइके लनि हान्जा सुरनाय
हाबाफारिखौ बेखेवनानै होदो
आसामनि राइज्यो बेंगिरि प्रफेसार
(□ 5 बिलाइआव)

इजिनसेफ-कृष्णाकान्त शन्दिक्कै राइज्योयारि उदां मुलुग सोलोसालिनि बान्जायनायाव मावबादा खुंदो



बड'सा थान्दै, काजलगाव,
28 आगस्ट: आसामनि
गथ'साफोरनि सायाव पुस्टि गैयै
(लोखं थासारि) गोहोम आरु
गथ'साफोरनि हेथायै हिंसायारि
थासारिफोरखौ फोजेबखानायनि
सोमोन्धेयाव खौरंगिरिफोरनि

थाखाय इजिनसेफ आरु आरु
कृष्णाकान्त शन्दिक्कै राइज्योयारि
उदां मुलुग सोलोसालियाव
मोनसे मावबादा खुंफुदो। बे
मावबादा खुंफुनाय जथुमायाव
बडइगाव, चिरं, कक्राझार आरु
(□ 5 बिलाइआव)

चापागुरि कक्लाबारियाव साखि थिसन्थायनि थाखाय आगु फोरोंथाय मावबादा बेखेवदो

बड'सा थान्दै सिमला, 28
आगस्ट: थानाय 2020
माइथायनि 27 जानुवारीयाव
जालानाय बिटिआर गोरोबथानि
दोहौजो बिटिआर हालामनि
लाइमोनफोरखौ गुबुन गुबुन
रैखाथि बिफानफोराव साखि
थिसन्थाय होनायनि थांखि
लानाय बादिदै दासान्दि
बिटिआरनि दाब दाब
ओन्सोलफोराव लाइमोनफोरनो
साखि थिसन्थायनि आगु
फोरोंथाय होनाय हाबाफारि



खुंगासिनो थानाय नुनो मोन्दो। थानाय चापागुरि कक्लाबारि
बेनिनो बिदिन्थि मह्रै दिनेबो
बाकसा जिल्लानि सिडाव
(□ 5 बिलाइआव)

आइ एस आइ एस नि बादायाव
आमेरिका आ इज्जो गाग्लोबदो
काबुल उां गाथोनाव
बेफुहोनायनि मास्यार माइन्डिनि
जिरखल

गुवाहाटी, 28 आगस्ट:
आफगानिस्ताननि राजथावनि
काबुल उरां गाथोनाव
सोमजिनाय सुसाइद बमा
बेरफुनाय जाथायनि उनाव
आमेरिका आ उदखारि हान्जा
आइ एस आइ एस-खुससानखौ
गोखौ फिनजाथाय होदो।
(□ 5 बिलाइआव)



महिन्द्र एन्ड महिन्द्र लिमिटेड आ गथायना होदो एम्बुलेन्स आरु अक्विसेन कन्सेन्ट्रेटरगारि
सोलिफु दानआव दिनेसिमाव सा 61 लाख
सुबुंफोरनो भेक्विन गथायनाय जाबाय: गिबि मन्थि

दिसपुर, 28 आगस्ट: आसामनि गिबि मन्थि ड हिमन्त
बिश्व शर्मा आ दिने जनता भवनआव खुंफुजानाय मोनसे
हाबाफारियाव महिन्द्र एन्ड महिन्द्र लिमिटेड आ
कम्पनीफोरनि समाजयारि बिबान थानाय (सिएसआर)
नेमखान्धिनि बिथायाव गथायना होनाय गं 15 एम्बुलेन्स
आरु अक्विसेन कन्सेन्ट्रेटर सरासन्सा सुबुंफोरनि हेफाजाबनि
थाखाय हाबाफारि बादिदै गथायनानै होयो। बे हाबाफारिखौ
लोब्बा लानानै खुंफुनाय मेलआव गिबि मन्थि ड हिमन्त
बिश्व शर्मा आ बुंथियोदि, राइज्यो सरकारनि देहा बिफानआ
आजावना लानाय
(□ 5 बिलाइआव)

स्वार्निम बिजय दावबायनाया चिराडाव सौफेबाय



काजलगाव, 28 आगस्ट:
थानाय 1971 माइथायनि भारत-
पाकिस्ताननि दावहायाव भारतनि
देरहासार जानाया 2020 नि 16
डिसेम्बरव 50 थि बोसोर आबुं
जानायनि लोब्बायै गाहाइ मन्थि
नरेन्द्र मदिआ जागायनाय
स्वार्निम बिजय दावबायनाया
दिने शनिबारखालि चिरां

जिल्लायाव सौफेबाय। दिने
चिरां जिल्लानि काजलगावआव
थानाय जिल्ला पेरेद फोथारव
भारत-पाकिस्ताननि गेजेराव
(□ 5 बिलाइआव)

सोमजिनाय दावहानि समाव
बाहागो लानाय दावहारुफोर,
बीर जोहोलावजोफोर, बारार'
साखिआवलाफोर, सुबुंथिनि
थान्दैफोर, पुलिस
मावख'गिरिफोर आरु रैनिया
सान्थिफोर आबुं आबुंथि आरु
मान होनायनि गेजेरजो सा-
सान्जा राइज्योफोराव
दावबायनानै फेनाय
देरहासारनायनि अर सालायखो
आजावयो। बे हाबाफारिनि
(□ 5 बिलाइआव)

राइज्यो बेगिरि आ एसएसबि सान्थिफोरनि आजादि का अमृत फालिनायनि साइकेल रेलि बेखेवदो

हादत अन्सायनायनि रादाव बिलाइनो साइकेल
सालायगिरिफोरखौ खावलायदो राइज्यो बेंगिरिआ

जगदिश मुखिआ। बे साइकेल
हान्जा सुरनायाव सा 17
एसएसबि सान्थिफोरा बाहागो
लादो आरु 36 साननि
हाबाफारिजो बे साइकेल रेलिनि
थाखाय ओंखारदो। एसएसबि
सान्थिफोर 36 साननि गेजेराव
खमैबो 2000 कि.मि: जान्थाय
सालायनानै गुबुन गुबुन राइज्योनि
आसामनि राइज्यो बेंगिरि प्रफेसार
(□ 5 बिलाइआव)



NERIM GROUP OF INSTITUTIONS

Affiliated to Dibrugarh University, Gauhati University &
ASTU Approved by NCTE, BCI & AICTE, MoE, Govt. of India

Admissions Open For Session 2021-22

BBA | BCA | B.Com(H)
BA LLB(H) | BSW | LLB(H)

MBA(FT) | MBA(PT) | MCA | MSW
M.Com | LLM | PGDM
PGDCA | MA (Applied Psychology)
M.Sc (Computer Science) | MA (Education)

KEY FEATURES:
• Assured Placement Assistance • Complimentary Laptops to MBA, MCA and PGDM students • Air Conditioned Smart Classrooms and Computing Labs • Free Corporate Suit and Course Pack to all the students
• Enriched Library with e-Library facilities • Complimentary Diploma in Computer Applications' (DCA) • Educational Loan Assistance • Wi-Fi enabled campus • Hostel facility for Girls (in campus) & Boys • Health care arrangements and Accidental Medical Assistance.

For details, visit our website www.nerimindia.org
or contact Admission Counsellor on
9954190758 / 9954051419 / 9864750000

Prof. (Dr) Sangeeta Tripathi, Director, NERIM Group of Institutions
Jayanagar, Khanapara, Guwahati, Assam, Pin-781022
nerimindia@gmail.com

सुजुगिरिनि खोलोम

मिथिंगाखौ सोमख्रै

खालामनानै लाखिनाय

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवस्रानाय आरो दंफां दानस्रानाय। गामिनि सुबुंफोरनि बाथ्राल' नडा टाउन सहरनि सुबुंफ्राबो सुबिदा लाना हाग्रामाआव हाबहैना दंफां दानना लाबोनाय आरो गुबुनो फानहरनाय हुदाखौ गोदो गोदायनिफ्रायनो नुबोगासिनो दड। दिनैसिमबो सुबुं समाजाव बेनि गोथोथे रोदा सुनाय हुदाखौ नागारनो हायाखे।

सुबुंफोरनि बाथ्राल' नडा, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनाराबो हाग्रा बंग्रा, दंफां लाइफां नडाबा जैरे थाउरिनो हाया, मानसि माहारियाबो जिउ खानो हाया। मिथिंगानि सोर्जिनयनि मादाव दंफां लाइफां, हाजो-हाला, दैमा दैसा, दैमु बाइदिसिना नडाबा जिउ जुनातफ्रा दसेनि थाखायब्लाबो थाना थानो हाया। हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थाना थानो हायै बाइदि गुबुंले जागोन।

सुबुं समाजा दंफां लाइफांनि सायाव जैरे बाइदि सोनारो बेखौ साननो रेंब्ला हाग्रा बंग्रानि सायाव बे रोखोमनि अनगार अत्यासारा जानाय नडामोन। हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौ एनला, मैंग मैला, थायो। गसिबोखौनो मानसि माहारिनि गोनां जिउ खानायाव नांगौ। सुबुं समाजा नांगौखौल' मिथिनो रेंबाय नाथाय, बेफोर गोनां मुवाफोरखौ रेखा खालामनो दासिमहालागै सोलोडखिसै मानो ?

मोनसे सोनाय फैयो, दंफां लाइफांखौ दानस्रानो सोलोनो हागौबा, बेफोरखौ गायनो सोलोनो मानो रेंदिया ? गोदो गोदाय आबै आबौमोननि बिबै बिबौफ्रा गायना गालानाय दंफां लाइफांफोरखौ हागौमानि जौ दानस्रानं जोबबाय जाय जैरे हागौ एरै। हाग्रामा गैयालाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पउटर, इन्टरनेट मुगानि सुबुंफ्रा सानखानो रोडखिसै जौ थानो जैरे न'बां नांगौ, जुनारफोर थानोबो हाग्रामा नांगौ। जौनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडे गियान होनांगोन आरो बेफोरखौ मात्रे गायनांगौ, गोथानांगौ, फेदेरनांगौ, राहोनांगौ, आरो मात्रे रेखाथि होनांगौ, गोथोथे फोरनांगोन, मिथिनोनांगोन, दंफां लाइफां, हाग्रामा थायाब्ला जौबो थाना थानो हानाय नडा बे बुहुमाव।

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेष:** मानिबा जाहोनाव गोसोआव दुखु मोन्याय सोमजिनो हागौ। गोसोखौ लोरबां दाखालाम।
- वृष:** देहाआ जौगानाय फैगोन। जेखि मावा गोजोनायखौ मोनगोन। मोजां सान।
- मिथुन:** सोरनिबा दुखु गोनां खोथा खोनानो मोनो हागौ। गोसोखौ गात्रि मोनखंगोन।
- कर्कट:** दिनैनि साना गोथार सान। मोजां खामानि मावनानै लानो हागोन।
- सिंह:** माबा मोनसे दोहोन मोनो हागोन। फारफ्रोमथिबो गोजोनाय मोनगोन।
- कन्या:** मानिबा दायआव गावखौनो खजानो गिनाय मोनखंगोन। गोसोखौ लोरबां खालामनो नाडा।
- तुला:** सानाय-सुनाय बेरामफोर दंफा सिखांबायनो हागौ। देहाखौ सांग्राडे लाखिनाया मोजां।
- बृश्चक:** नखर संसाराव सुखुनि बार बारगकोन। फारफ्रोमथिबो जौगानाय फैगोन। मोजां दिन।
- धनु:** मोजां लामायाव आगान सुरजेनो हागोन। सान्नायफोर जाफुगोन। गोसोखौ गोजोन मोनगोन।
- मकर:** सानाय-सुनाय बेरामाव गोलैबायनो हागौ। देहाफोरखौ जोथोथे लाखिनांगोन।
- कुम्भ:** माबाफोर गात्रि जेनायाव गोलैनो हागौ। जैरिथिबो सांग्रां जानांगोन।
- मीन:** जेखि मावा बेफार-फालांगिआव मुलाम्फा मोनो हागौ। गोजोनायखौ मोनगोन।

गारिफोराव गोदान बिण्डुच रेजिस्ट्रेसनखौ मोनसिगोन ट्रान्सफारनि हाबाया गोलै जासिगोन

गोदान दिल्ली, 28 आगस्ट: आथिखालाव गारि बिगोमाफोर गाव गावनि गारिखौ दरसे राइज्योनिफ्राय गुबुन दरसे राइज्योआव ट्रान्सफार खालामनायाव जेबो रोखोमनि जेनाजौ मोगा मोगि जानानाय नंला। मख'नो गनादि, सरकार जेबो रोखोमनि होबथानाय गैयालासे गारिखौ ट्रान्सफार खालामनो थाखाय मोनसे गोदान रेजिस्ट्रेसननि नेस्सोन। भारत श्रृंखलआखौ दिन्थिदों जायजौ आथिखालाव गारि बिगोमाआव दरसे राइज्योनिफ्राय गुबुन दरसे राइज्योआव सिफ्ट जानायाव गारिनि थाखाय गोदान रेजिस्ट्रेसन नेस्सोन लानांगौनि गोनांथि जानाय नडा। आथिखालाव गारियाव गोदान बिण्डुच सिरिजनि रेजिस्ट्रेसन सिन थानाया गोनांथार जागोन अब्लासो बे गोदान सुबिदानि मुलाम्फाखौ लानो हागोन आरो री रेजिस्ट्रेसननि जेनानिफ्राय रेखाथि मोनगोन। आथिखालाव



जाय गोदान गारिया मार्केटआव फैगोन बेवहाय बीइएस मार्क होनाय जागोन। जुदि नोंथानाव बे सिरिजनि गारिया थागोन अब्ला दरसे राइज्योनिफ्राय गुबुन दरसे राइज्योआव सिफ्ट जानायाव नोंथांडा गोदान रेजिस्ट्रेसन नेस्सोन लानांगौनि गोनांथि जानाय नडा। बिण्डुच सिरिजनि गारिबो गारिआ बे सुबिदानि मुलाम्फाखौ लानो हागोन आरो गुबुन राइज्योआव सालायनो थाखाय जायखि जाया रोखोमनि नाजानानायबो नडा। सरकारआ बे थांखिखौ नोगोरारिफोरनि गोनांथि जानायखौ बुजिनानै लानाय जादों। मख'नो गोनांदि दासिमाव जेब्लाबो गारिखौ दरसे राइज्योनिफ्राय गुबुन दरसे राइज्योआव सिफ्ट खालामनांगौ जायोमोन अब्लानो बेनि थाखाय गोदान रेजिस्ट्रेसन खालामनांगौ जायोमोन, नाथाय आथिखालाव बिण्डुच सिरिजनि गोदान गारिफोरजौलोगोसे बेबायदि जेबो रोखोमनि जेनाजौ मोगामोगि जानानाय नंला।

काबुलआव बमा बेरफुनायनि उनावबो आमेरिकानि गोसोआ सोलायाखै



गोदान दिल्ली, 28 आगस्ट : आफगानिस्ताननि काबुल हावाइ अडडेनि खाथियाव जानाय सिरियाल बमा बेरफुनायाव आमेरिकानि गासै 13 जवानफोरा थैदों। काबुल एयारपोर्टआव जानाय गोमोथाव बमा बेरफुआव सा 17 आमेरिकानि नेभीफोर आरो सासे नेभीनि फाहामथाय होग्रा सुबुंआबो दंफादेरोमोन। आथिखालाव

बे बमा बेरफुनायाव दासिमाव गासै 72 सुबुंफोरनि थैनायनि खौरांखौ मोन्दों। बे बमा बेरफुनायनि उनावबो आमेरिकाया गावनि सुबुंफोरनो हेफाजाब होनाय अभियानखौ दोन्थ'नाय नाडा। हादतगिरि ड'बाइडेनआ फोसावदोंदि, आफगानिस्ताननि फ्राय आमेरिकानि नोगोरारिफोरखौ दिहुन्नायनि हाबाफारिया सोलिबाय थागोन। आफगानिस्तानआ 20 बोसोरनि उनाव आरोबाव खनसे तालिबाननि दखलाव थादों। बिसोरो हादतनि रास्ट्रपति भवनआवबो दखल खालामदों। हादतगिरि अशरफ गनीआ तालिबानखौ गथायना होदों। हादतगिरि गनीआ हादतखौ नागरबाय।

मुसलपुरआव 6 बोसोरनाडै सासे गथ'साया बेरामजौ सन्देरजानानै दड

बाक्सा, 28 आगस्ट: सासे अन्थाव-बाथाव उन्दै गथ', जेराव बियो जेबो राव एवा थासारिखौ बुजिनो हानाय जायाखै। थानाय 6 बोसोनाडे बि गथ'साया जोबथेसालिआव थानानाय थासारिआव जिउ खंगासिनो दड। जेराव हगारनानै होयोब्लानो जाग्रा आदार महरै जानाडे मुवाफोरखौनो जायो। जाउनाव दिनैसिमबो राव रायज्जलायनो रोडाखै एवा राव ओंखाराखै। बेखौ लानानै बिमा बिफाया जेनाजौ मोगा-मोगि जानानायखौ नुनो मोन्दों। बि गथ'सानि मुख मनिका हालै। बाक्सा जिल्ला सदर मसुलपुरनि साखाथि बेलगुरि पथार गामिनि थागिबि सैलेन हालै आरो कान्चन हालैनि फिसाजोआ जोनोमनि उनफ्रायनो बायदि बेरामजौ सन्देरजौदोंमोन। जेराव मसुलपुरनि डा: रबि बर' सिभिल देहा फाहामसालिआव जोनोम मोन्याय गथ'साखौ गिबियावनो नलबारिनि मुख्लं



मुकुन्द काकटि सिभिल देहा फाहामसालिआव फाहामथाय होदोंमोनब्लाबो उनाव सोनाब बंग, गुवाहाटीनि जिएमसिएसजौ लोगोसे गुबुन गुबुन फाहामसालिफोराव फाहामथाय होदोंमोनब्लाबो गाहाम जायाखिसै। गथ'साखौ सेरिबेल पालस बेरामजौ सन्देरजौदों होन्नानै मिबथिनो मोन्याय जादों। बे समाव गथ'सानि फाहामथायनि थाखाय जेबो रहा मोनै नख'रनिया गिबि मन्थि ड' हिमन्त बिश्व शर्मानिसिम हेफाजाब बिहरदों।

गथ'सानि बिफा सैलेन हालैआ मिबथिहोनाय बादिब्ला जोनोम जानायनि 6 बोसोर बारलानायनि उनावबो हिन्जावसाया जेबो राव रायज्जलायनो रोडाखै। जेराव जायखि-जाया जाग्रा मुवा नडै बेसादफोरखौ जानो नागिरनायाव खानानै दोन्नो गोनां जादों। जायनि थाखाय गथ'सानि उन्दै समनि जिउ खानाया फेलें जानायखौ नुनो मोन्दों। मख'नो गोनांदि, सरकारनि बिथांखिनिफ्राय बाइजोआव थानानाय सैलेन हालैआ बेनि थाखायनो गिबि मन्थिजौ लोगोसे नो खायसे सुबुंफोरनिफ्रायबो गथ'सानि फाहामथायनि थाखाय हेफाजाब बिदों। बेयावनो अन्सायारि महरै हेफाजाब होनोब्ला आसाम ग्रामीन बिकाश बैंक, मसुलपुरनि एकाउन्ट नं 7091010011762 आरो आइएफएससि कड UTBIORRBAGB आव रंखांथियायि अन्सुथाय दैथायहरनो खाललायदों।

3 मिटार गोलाव आरो 600 कि:ग्रा: आरो थौंब्रै आथिं थानाय हवेलनि रहा-बेगें संदानो हदों



गोदान दिल्ली, 28 आगस्ट : मिस्नि रजथायनि काहिराआव गोजौ थाखोनि सोलौंथाय आरो बिगियानगिरि सं दानग्रा मावख'आ मोनसे बिबुंथियाव बुंदों 43 मिलियन सिगां हासा बाहगो आरो दैयाव थाग्रा हवेलखौ मोनो हायोमोन, जायनाव थौंब्रै आथिंबो थायोमोन। बेखौ मिस्नआव जमराज एवा एनबिस मुडैबो मोनथिनो मोन्याय जायोमोन।

पेलियन्टजिस्टआ 2008 आव मिस्नि फेयुन डिप्रेसनआव मोनसे अभियाननि समाव बै जिबास्मखौ संदानो हादों, जायना 56-33.9 मिलियन बोसोर सिगांनि इअसिन मुगानि लैथोमा जिउनि जिबास्मनि थाखाय मुंदाखा। टीमआ मिस्नि सिडव आरो बायजोनि गुबुन हवेलनि नमुनाजौ लोगोसे जिबास्मखौ सुजुनायनि उनाव स्टडीखौ फारिलाइआव दोन्नो आरो रिक्ड'खालामनो थाखाय 4 बोसोरसिम हाबामावदों। गोदान हवेलनि मुंखौ फियमिसेटस एनबिस दोन्नाय जादोंमोन। जेरावनिफ्राय बेनि जिबास्मखौ दिहुन्नाय जादोंमोन। गोदो गोदाय मिस्नि सुबुं सोद्रोमसिआव थैनाय आरो मामिनि देबतानि मुडाव एनबिसखौ दोन्नाय जायोमोन।

क्रेष टेस्टआव आबुडै'नो फैमाल जादों भारतीय स्कुइप्ट आरो डास्टार एस इउ भिया



गोदान दिल्ली, 28 आगस्ट : लेटिन आमेरिकाआव फानजानाय भारतनि बानायनाय मारुति सुजुकी स्कुइप्ट हेचबेक आरो स्नोलेट डास्टार एस इउ भिया बावैसो सिगांआव जानाय क्रेष टेस्टआव फुगयैनो फैमाल जादों। लेटिन एनसिएपि एजेन्सिया बे गनैबो गारिफोरखौ क्रेष टेस्ट खालामदोंमोन, जेराव बेफोरा जैर' स्टर रेटि मोनो। मख'जाथावदि, जाय स्कुइप्टखौ टेस्ट खालामदोंमोन बेखौ गुजरातनि सुजुकी मटर मेनुफेक्सारि फेसिलिटियाव बानायदोंमोन। मेड इन इन्डिया सुजुकी स्कुइप्टआव सेन्डाई महरै मोनै एयारबेग होनाय जादोंमोन। क्रेस टेस्टआव बाहायनाय स्कुइप्टआ गासैबो

थाखोआवनो जाफु'सारनो हायाखै। बेयो एडाल्ट एक्युपेन्ट बक्सआव 15.53 जौखोन्दो चाइल्ड एक्युपेन्ट बक्सआव0 जौखोन्दो, थाबायनाय दावबायारिनि रेखाथि आरो


रेखाथि गैथै लामा इउजार बक्सआव 66.07 जौखोन्दो आरो सेफ्टी एसिस्ट बक्सआव 6.98 जौखोन्दो स्कर खालामदों। लेटिन एन सि एपिआ बुंदों, स्कुइप्टनि क्रेस

टेस्टआ खालि हेचबेकनि थाखायल' नडा बेयो सेडान बर्जननि थाखायबो गोनांथि दं। क्रेस टेस्टआव बाहायनाय रैन', डास्टार मडेलआव मोनै एयारबेग आरो इ एस सिखौ स्टेन्डाई महरै

मोनो। बे गारिया एडाल्ट एक्युपेन्ट बक्सआव 29.47 जौखोन्दो चाइल्ड एक्युपेन्ट बक्सआव 22.93 जौखोन्दो थाबायग्रा दावबायारिफोरनि रेखाथि आरो रेखाथि गैथै लामानि इउजार बक्सआव 50.79 जौखोन्दो आरो सेफ्टी एसिस्ट बक्सआव 54.88 जौखोन्दो स्कर मोन्दों। लेटिन एनसिएपिनि नेहाथारि जेनेरेल एलेजान्द्र फुरसआ बुंदों, रेनल्ट आरो सुजुकीनिफ्राय बाहायगिरिफोरा मोनो गोनां सेफ्टि फारफर्मसआ दुखुनांथाव। लेटिन एनसिएपि रेनल्ट आरो सुजुकीनो बेफोर मडेलफोरनि स्टेन्डाई सेफ्टिआव थाबैनो सोलाय सल' खालामना साबसिन खालामनो थाखाय थुलुंगा होयो।

पिएम जन-धन बिथाखिया 7 बोसोर आबु जाबाय

गोदान दिल्ली, 28 आगस्ट: दिनै पिएम जन्धन यजना (पिएमजेडिवाइ) आ 7 बोसोर आबु जाबाय। गाहाय मन्थि नरेन्द्र मदिआ पिएमजेडिवाइनि 7 बोसोर आबु जानायनि खाबुआव बुंदोंदि, बे हाबाफारिआ खालि भारतनि जौ ग। ख। न। य। ख। ल। जौगाहोयाखै, बेयो अरायनि थाखायबो बेखौ गुस्लायहोदों आरो सान्ध्र'हायै भारतयारिफोरनि रांखांन्थि बान्जायनाय, सन्मान गोनां जिउ आरो गोसोनि बोलोखौ रोखा खालामदों। गाहाय मन्थि मदिआ मोनसे टुइटाव बुंदों-दिनै पिएम जन्धन यजनाया 7 बोसोर आबु जाबाय, बेयो मोनसे एरेबादि हाबाफारि जाय भारतनि



जौगाखानायखौ अराय समनि थाखाय गुस्लायहोबाय। बे यजनाया रांखांन्थि समानथि आरो सन्मान गोनां जिउखौ रोखा खालामनायजौ लोगोसे गोबां भारतयारिफोरनि गोसोनि बोलोखौबो रोखा खालामदों। जन्धन यजनाया गोखों जिउ खुंनयायबो मदद खालामदों। बे खाबुआव गाहाय मन्थिआ

बे यजनाखौ जाफुसारनायाव बिहोमा होनाय गासैबो सुबुंफोरखौनो बाख्नायानै बुडोदि, बिसोरनि नाजानायजौनो भारतनि सुबुंफोरनि जिउखौ साबसिनै खालामनाया रोखा जाना नै फेदों। मख 'जाथावदि, पिएमजेडिआइखौ 2014 नि 28 आगस्टआव जागायनाय जादोंमोन।

फैगौ सानब्रैसिमाव हादतनि माखासे बाहागोफोराव गोब्राब अखा हानो हागौ

गोदान दिल्ली, 28 आगस्ट : थानाय माखासे साननिफ्रायनो हादतनि बांसिन राइज्योफोराव गोबां अखा हागोसिनो दड। अखानि जाहोनाव हाजो ओन्सोलफोराव हा गिसिखानायनि जाथाइफोरा गोबां बरायबाय आरो दैफोरबो उंसिफावनो हमदों। भारतयारि बोथोर बिगियाननि बादिब्ला फैगौ माखासे घन्टानि समाव उत्तर प्रदेशनि कटौली, मेरठ, बागपत, नजीबाबाद आरो खांथि-खालानि ओन्सोलफोरनि आलादा आलादा जायगाफोराव अखा हानो हागौ। बेजों लोगोसे आइएमडिआ फैगौ सानब्रैसिमाव एबा 28-31



बाहागोफोराव गोबां अखा हानो हागौ। 27-31 आगस्ट सिमाव तेलेंगाना, छत्तीसगड आरो झारखान्डआव अखा हानो हागौ। 28-29 आगस्टसिमाव बिदभं आरो मध्य प्रदेशाव अखा हानो हागौ। 29-31 आगस्टसिमाव गुजरात ओन्सोलाव अखा हानो हागौ। 30-31 आगस्टसिमाव मराठवाडाआव अखा हानो हागौ। बेराफासै 31 आगस्टयाव सा कंकण आरो सा गेजेर महारास्ट्रआव गोबां अखा हानो हागौ। बोथोर बिफाननि बादिब्ला फैगौ सानथामाव बोरिमा आरो खोला कर्नाटक, तामिलनाडु, केरेला आरो माहेयाव गोबां अखा हानो हागौ। 29 आगस्टसिमाव उत्तराखान्ड, बिहार आरो सान्जा उत्तर प्रदेशआव अखा हानो हागौ होना हमदादों।

आगस्टसिमाव सा-सोनाब भारतनि माखासे बाहागोफोराव एसेनिखुइ गेजेर थाखोनि अखा हानो हागौ होना नै हमदादों। बोथोर बिफानआ बुंनय बायदिब्ला फैगौ सानफोराव उरिप्या, अन्ध प्रदेश, तेलेंगाना, छत्तीसगड, झारखान्ड, मध्य प्रदेश, गुजरात आरो महारास्ट्रआव गोबां अखा हानो हागौ। आइएमडिआ बुंनय बायदिब्ला, 27-29 आगस्टसिमाव उरिप्या, अन्ध प्रदेशनि आलादा आलादा

ममता बेनार्जीखौ जिउ फोजोबनो हुमखि होग्रा प्रफेसारनि हेंथायै केस थिसनबाय



गोदान दिल्ली, 28 आगस्ट : ससियेल मिडियाआव गिबि मन्थि ममता बेनार्जीखौ जिउ फोजोबनो हुमखि होनायनि थाखाय कलकता

इउनिभासिदिनि सासे प्रफेसारनि हेंथायै केस थिसनदों। पुलिसनि सासे गागि बिबानगिरिया फोरमायदोंदि, पिएइचडि खालामग्रा सासे फरायसा तमाल

दत्तनि अजद होनायनि सायाव बिथा खालामनानै हेस्ट्रेट पुलिस थानायाव जिब बिगियान बिफाननि प्रफेसार अरिन्दम भट्टाचार्यनि हेंथायै केस थिसनो। जइन कमिसनार अफ पुलिस मुरलीधर शर्माया फोरमायदोंदि, भट्टाचार्यनि हेंथायै इन्डियान पेनेल कडनि आर्टिकेल 505 (1बि), 506 आरो 120 बिन गेजेरजों केस थिसननाय जादों। पुलिसआ प्रफेसार भट्टाचार्यखौ जिम्मायाव लानो हायाखै। भट्टाचार्यआ फनजों सोमोन्दो

लानायाव फोरमायदोंदि गाव गिबि मन्थिनि हेंथायै जायखि जाया बिबुंथि होयाखै। अजद होग्राया तृणमुल कंग्रेसनि हेफाजाबगिरि। पुलिसनि थांखि लानायखौ गाव नेनानै दडआरो बेनि उनावबो बेनि सायाव गाव आयेनारि सुबुरुन लागोन। फासैथि तृणमुल कंग्रेसनि हेफाजाबगिरिफोरा सोनाब बंग फरायसालिमा आरो मुलुग सोलोंसालिनि प्रफेसार आफफादआ भट्टाचार्यनि ससियेल मिडिया पस्ट होनायखौ सोंखारिदों।

भारतआ से कौटिनि बांसिन करना भेक्सिन थुनानै जारिमिन सोरजिदों

गोदान दिल्ली, 28 आगस्ट : करना भाइरसनि हेंथायै दावहा नानायाव भारतनि भेक्सिन थुनाय अभियाना गोखोंसिन जाबोदों। हादतआ भेक्सिन थुनायनि थांखि लानाय अन्जिमानि जोबोद साखाथियाव सौहेनो हाबाय। करना भाइरसनि हेंथायै दावहा नानाया भारतआ मोनसे जारिमिन सोरजिदों आरो



सनसेयाव सेकौटिनिबांसिन भेक्सिन थुनो हादों। सावसि बिफाननि मावसुमाफोर आरो गाहाय मन्थि नरेन्द्र मदिनि गोखों थांखि लानाया मोगथां महर लाबोगासिनो। कभिड वेवसाइटीनि बादिब्ला, शुक्रबारव गासै 1,00,64,032 भेक्सिननि ड्रप थुदोंमोन। मिरु सावसि मावख'आ मिथिहोनाय बादिब्ला शुक्र बार मोनाबिलिनि 7 रिंगायाव फोसावना होनाय रिपर्टनि बादिब्ला, हादतआ गुबुन मोनसेआव जाफुसारनायखौ मोनो हायो। हादतआव गासै कभिड 19 नि 69,09,43,580 ड्रप थुखानाय जायो। भारतनि करना भेक्सिन थुनाय अभियानआव गिदिर जाफुसारनो हानायनि उनाव मिरुनि मन्थिफोरा गाहाय मन्थि मदि आरो सावसि बिफाननि मावसुमाफोरनि हाबाफारि मावनाय आरो नाजानायखौ गोबां बाखायो।

डिइउ, जेएनइउ आरो जामियाआव थाखो खथा खुलिनायनि राहाफारि लादों



गोदान दिल्ली, 28 आगस्ट: जवाहरलाल नेहरु इउनिभासिदि (जेएनइउ), दिल्ली इउनिभासिदि (डिइउ) आरो जामिया मिल्लिया इस्लामिया गंग्रोमबो थाखो खथाखौ गोदानै जागायफिन्यायनि सायाव सावारयनो थाखाय जथुम खुंगोन। दिल्लीनि बारग'लेडइ गिबि मन्थि मनीष सिस'दियाआ फोसावदोंदि, गासैबो कलेजफोरखौ 1 सेप्टेम्बरनिफ्राय खुलिनो हासिगौ। जायनि उनाव बे इउनिभासिदिफोर जथुम खुंगो थांखि लादों। बे दाननि

जागायजेन्नायाव दिल्ली इउनिभासिटीआ मोनसे मावख'यारि गोनांथार खौरां फोसावनानै करना भाइरसनि केसफोराव खम जानायखौ मख'नानै बिगियान आयदानि फरायसाफोरनि थाखाय गंग्रोमबो थाखोखौ गोदानै जागायफिनो फोसावदोंमोन। आधिखालाव इउनिभासिदिनि

फोरोगिरिफोरनि मोनसे हान्जाया बे थांखियाव गोजेन्नाय गैयैखौ फोरमायदोंमोन। उनाव डिइउआ गावनि बे थांखिखौ बोखारनानै होदोंमोन। डिइउनि रैजिस्ट्रार बिकाश गुप्ताहआ बुंदों, जौनि बेवहाय 31 आगस्टआव हाबाफारि परिषदनि जथुम खुंगोन आरो बेनि उनाव जौं बिथांखि बानायगोन आरो मोनसे जथुम्मा खुंगोन। जौं 1 सेप्टेम्बरनिफ्राय गंग्रोमबो थाखो खथाखौ खुलिनो हानाय नड। जेब्लानो जौं गोदानै थाखो खथाखौ खुलिगोन अब्ला बयनिखुइबो गिबिसिन बिगियान आयदानि फरायसाफोरनि थाखाय बेखौ जागायगोन।

दिनैसिम भारतआव सा 61 कौटि सुबुंफोरनो करना भेक्सिन थुखांबाय

गोदान दिल्ली, 28 आगस्ट: मिरु देहा मावख'नि सासे गागि बिबानगिरिआ फोरमायदोंदि, भारतआव थानाय 26 आगस्टसिमआव गासै 61 कौटिनि बांसिन कभिड-19 बेक्सिन थुखांबाय। बेराफासै केडिलानि भेक्सिन जायकब डिखौ फैगौ अक्टबर दाननि गिबि सपनाहनिफ्राय जगायनानै होनो हागौ। बे भेक्सिनखौ 12 बोसोरनि गाहायनि उन्दै गथ'फोरनो थुनाय जागोन। देहा मावख'आ मिथिहोनाय बादिब्ला, हादरआव बृहस्पतिवारखालि मोनाबिलिनि 7.00 रिंगासिमआव गासै 61,10,43,573 भेक्सिननि ड्रप थुखांबाय। बेनिनो 46,88,114 आ गिबि ड्रप आरो 20,99,291 आ नैथि ड्रप। 18-45 बोसोर बैसोनि सुबुंफोरनि सा 34,59,041 सुबुंफोरा गिबि ड्रप आरो सा 10,27,572 नो नैथि ड्रप होनाय जादों। देहा मावसुमाफोरनि बाथा बुडोब्ला, सा 1,03,56,040 सुबुंफोरा गिबि ड्रप आरो सा 82,92,060 आ नैथि ड्रपखौ लाखांबाय। फ्रन्टलाइन मावसुमाफोरनि गेजेराव सा 1,83,14,022 आ गिबि ड्रप आरो सा 1,28,54,105 आ नैथि ड्रप लाबाय। शुक्रबारखालि भारतआव 44,658 गोदान करना पजिटिभ केस मोन्दों। बेजों लोगोसेनो हादरआव गासै करना पजिटिभनि केसआ 3,26,03,180 सिम सौहेबाय आरो सा 4,36,861 जिउ गोमाबाय।

सानसेयावनो 1 कौटिनि बांसिन सुबुंफोरखौ करना भेक्सिन थुनानै मोनसे गिदिर रिक्ड खालामदों। सावसि मावख'नि बादिब्ला, भारतआव शुक्रबारव कभिड-19 होबथाया भेक्सिननि 1 कौटिनि बांसिन ड्रप थुयो, जाय दासिमाव मोनसेयाव थुनाय भेक्सिननि ड्रपनि बयनिखुइबो बांसिन अन्जिमा। फासैथि गाहाय मन्थि नरेन्द्र मदिआ भेक्सिन थुनाय अभियानजों सोमोन्दो गोनां मावसुमाफोरखौ बाखायो, लोगोसे भेक्सिन लाप्राफोरखौ बाखायो। गाहाय मन्थिआ टुइटाव बुंदोंदि, दिनै भेक्सिन

थुनाया मोनसे रेकर्ड जादों। से कौटिनि बांसिन जानाय मख'जाथाव जाफुसारनाय। जाय सुबुंफोरा करना भेक्सिन थुजादों आरो जायफोरा बे भेक्सिन थुनाय अभियानखौ जाफुसार होदों बिसोर बयखौबो साबायख'र। मख'जाथावदि, बेसाननि सिमाखव हादतआव माब्लाबाबो सानसेआव से कौटि करना भेक्सिननि ड्रप थुयाखैमोन। मिरु मन्थि मनसुख मान्डीबियाआ टुइटा खालामना बुंदों, सबका साथ, सबका विकास, सबका बिश्वास, सबका प्रयास। बोयो बै लाजानाय जायजों हादतथआ

डब्लिउएडसअनि सिफ साइन्टिस्ट ए. स्वामीनाथनआ सानसेआव 1 कौटि भेक्सिन थुनायखौ लानानै भारतखौ बाखायदों

गोदान दिल्ली, 28 आगस्ट: करना इनफेक्सननि हेंथायै सोलिनय दावहायाव भारतआव मोनसे गिदिर जाफुसारनायखौ मोनो हादों। भारतआ शुक्रबारखालि हरनि 10.00 रिंगासिमाव कभिड-19 नि हेंथायै 1 कौटिनिबो बांसिन भेक्सिननि ड्रपखौ हादरनि नोगोरिफोरनो थुदों। बेयो गिबि खाबुमोन, जेब्ला हादरआव सानसेआवनो बेसेभं भेक्सिनखौ थुनाय जादों। डब्लिउएडसअनि गाहाय बिगियानगिरि डा: सौम्या स्वामीनाथनआ 50 जौखोन्दो बैसो जानाय सुबुंफोरनो गिबि ड्रपनि भेक्सिनखौ थुनायनि थाखाय हादरनो साबायख'र बाउदों।

सौम्या स्वामीनाथनआ टुइटा खालामदों भारतआ बैसो जानाय सुबुंफोरनि 50 जौखोन्दो बैसो जानाय सुबुंफोरनो 1-1 ड्रपखौ होनाय जाबाय। दासिमआव हादरआव गासै 620 मिलियन ड्रपखौ होनाय जाखांबाय। हादरआव कभिड-19 भेक्सिन थुनायनि बे'खन्थायाव 62,09,43,580 ड्रपखौ होनाय जाबाय। थानाय सानआव 10 मिलियन (1 कौटि) ड्रपखौ होनाय जादों। बेवहाय थाफादेरनाय रोजा-रोजा मावसुमाफोरनो साबायख'र बाउदों। राइज्योयारि गहाम देहा आरो सुबुंथिनि जेना सुखानो हानायखौ राहा लानायजों लोगोसे भेक्सिन थुनाय

साफ्रोमखौबो रैखाथिये दोनगोन। भारतआव भेक्सिन थुनायनि सायाव एनटिएजिआइनि गाहाय डा: एनके आरड्याया शुक्रबारखालि सानसेआवनो 1 कौटि सुबुंफोरनो भेक्सिन थुनायाव बुंदोंदि, भारतयारि गहाम देहा नेमखान्थिनि थाखाय गौरबनि बाथा जादों। डा: आरड्याया बेखौबो बुंदोंदि, हादरआव सानसेआवनो 1.25 कौटिनि भेक्सिन थुनाया थाबैनो जागोनखौ आसा खालामदों। बे बोसोरनि जौबथासिमाव गासैबो भेक्सिन थुनायखौ मोनो थाखाय हादरआ 31 डिसेम्बरसिमाव सानफ्रोमबो 1 कौटिनिफ्राय बांसिन ड्रपखौ थुनांगोन।

Lost

I have lost my original Transcript of M.A. (Bodo)/2015, Bodoland University Kokrajhar Roll No-PBDO 13041 Registration No.- BUP0090/2013 Name - Swmkhwr Brahma Father- Aniram Brahma Vill & P.O. Banargaon Dist.- Kokrajhar, BTR (Assam) M. No- 8133003593

हादतनाडे 30 सेप्टेम्बरसिम सोलिबाय थागोन कभिड-19 जों सोमोन्दो थानाय गासैबो प्रटकलआ गोदान दिल्ली 28 आगस्ट : गासिबो होबथानायनि राहाआ फे नो गोनां दानसिम सोलिगोन। मिरु हादतनाडे कभिड-19 प्रटकल फालिनायआव खमिखौ लानानै सांग्रांथि होदों आरो जाय ओन्सोलाव इनफेक्सननि के सआ खम, बेवहाय रैखाथिखौ नोजोर होना नै नेमखान्थि महरै मनिटरिखौ लाखिलानायनि सायाव बोलो होदों। बेखौ लानानै मिरु नख'र मावख'निफ्राय गोदान बिथोन होनायखौ फोसावनाय जादों।

बेवहाय हादतनाडे नि राइज्योफोरखौ कभिड प्रटकलजों सोमोन्दो थानाय गोनांथिखौ फालिनो बाथा बुंदों। देहा मावख'आ गासिबो राइज्योफोरखौ फोबैनि समाव सांग्रांथि थानो बाथा बुंदों। बिथोन होनायआव बुंदोंदि, फोबैनि समाव बांसिन सुबुंफोरनि होंगो-दोंगो जाया, बेनि थाखाय नोजोर होनांगी आरो मोन 5 नेमखान्थिफोर टेस्ट, ट्रेक, ट्रीट, भेक्सिन थुनाय आरो कभिडनि थाखाय राहा

लानायखौ नोजोर होनांगी। बेनि अनगायै जाय ओन्सोलाव इनफेक्सन जानायआ खम, बेवहाय रैखाथिनि थाखाय टेस्ट आरो मनिटरिखौ लाखिलानांगोन। मिरु नख'र मावख'निफ्राय फोसावनाय बिथोननि बादिब्ला कभिड-19जों सोमोन्दो थानाय गासिबो प्रटकलआ सेप्टेम्बरसिम सोलिगोन। थानाय 24 घन्टयाव हादतआव गासै 46,759 गोदान केसफोरखौ मोनाय जादों।

फैमाल मिजिंक बिग्रायारी

सुजुदोंमोन आं भोजां
मोनलायनायनि सुखुजों
बाइदि गाबनि दोंसे,
समायना बिबारनि माला
नाथाय फैमाल....
आखायावसो ल'ह'राय लांबाय
आंनि बे समायना
बिबारनि मालाया।
सानदोंमोन आं बै बारसेल'
ग'लाप बिबाराव सिखिरि
जानानै बिबार बिदै जोवनो
नाथाय; फैमाल
आंनि मिजिंक।
मेगन गोसा बारहुंखाया
बुखारनानै लांबाय गुवार
बाला हामानि गेजेराव
माब्लाबाबो हायाखिसै
फैफिनो गिदिनानै।
आन्दाय नांबाय आं बै
बिबारनि बागान
दैबाय लांबाय आंखौं
गुबुन मोनसे बिबार
बागानाव।
थाबाय बोल' आंनाव
सुख' हाये हाजासे दाला
फैफिन नांबाय आं
लानानै फैमाल मिजिंक।

मुसि सुबिलाल देमारी
गामि - दावराय बारी
ला:सो: - झारबिस फानि
जिला - चिरां

जों बिग्रायारी
जों सुथुर एनझागिरि;
सोमखे बिमानि मोखांखौं
खालायगोन जोंलाउआरी।
बे मुलुगाव सोरबा
मावोब्ला हारिनि गोरोस्थि,
सहायनो हाया जों
मानोबा गात्रि खांथि।
फावसाया जों,
सुथुरनि आखायनिफ्राय,
होखार हरगोन जों
उदाखारी हानजाखौं बेनिफ्राय।
थै ? बड'लेण्ड सोरजिग्राफोर,
गैलिया उन्दुना थानाय सम,
दा समफैबाय
जांखिखानायनि सम।
दडब्ला सोरबा
उन्दु गादुरा;
हानाय नड खालामनो
अनसुलि बिमानि मुंदांखा।
जों मेंनो रोड,
जों जिराया,
जोंब्लावनाय अरा खामखागोन,
मोनथायनि गोजोन ग्रीत मोनथोरा
जेब्लाबो मुलुगाव देरहासारगोन।
बड'लेण्डजों सोरजि लांथार गोन।

मुसि फैलाउ कछारी
ला:सो: - गेरुवापारा
जिला - नलबारि

रंजालि गथ' फोरनि सौरा

दै

अर निबो बिफा आं
जिब-जुनार बिफां-लाइफानि गाहाम जीउमा आं।
आंखौं नागारनानै रावबो थानानै थानो हाया,
आंनि मुड-दै
सुबुड आंनि थाखाय देरगाथाव नाथाय,
आंनिखुड देरसिन सोर दं ?
आंनि बोथोराव सुबुंखौं खालामनो हायो आं
हालाइ-हाफाइ,
आंनि मुड-दै।
आंहा थि महर गैया
जि मुवायाव दोनो बेनि महर लायो आं
दैज्जां बोथोराव जावरिखाडो आं,
मेसैं बोथोराव रानिजि लाडो आं,
बेनो आंनि गुबै आखु,
आंनि मुड-दै।
राजुस्थान,बिहार, पानजाब बायदि राज्योआव,
मेगननिफ्राय मेदै गहयो आं
सुबुं माहारिखौं।
आं रावनिबो लामा गैयैजोंबो,
आंनि मुड-दै।
आंखौं सुबुं माहारिया सोंखारिनो हागो,
नाथाय आं नडब्लानो दिनाव खाना।
आंखौं नेवसिनानै सुबुं एबा दाउमा-दाउसा
जीब-जुनार बिफां लाइफां थानानै थानो हागोन ? बे नंखाइ,
आंनिखुड देरसिन सोर दं
आंनि मुड-दै।

मुसि बिसनाथ मुछाहारी
जिला - चिरां

हादर बिमा

ए! अनसुलि हादर बिमा
दड; नामा नोंनाव, मानिबा मुहिमा
गोबों गावजासे हखाव हखाव
उखेहाव गांहाव देहा लानानै,
उन्दुनाय गैया, जिरायनाय गैया;
मानसि माहारि जीब जुनार।
मा जाबायदों नों
ए! अनसुलि हादर बिमा,
बुहुम खांथि संसारनि
जोनोम, जुलि, थैनाय,
बिफां-लाइफां जिब-जुनार
लानानै बुहुम बिखायाव
मानि दाहार सुख'दों।
ए! अनसुलि हादर बिमा,
गावनाय दड मिनिनाय दड
सुखु-दुखु लाना नों अराय।
गोजोन अखांनि पुर्णिमा हर
खोमसि हर दान खोमसि
जेब्लायबो जोंलाय गोमोरलाय
रिथि रिथा हाथरिखिफोर।
दाहा दड'नोंनाव बुहुम गावजासे
बांग्रि, सार अन्थाय, बारहुंखा,
बानानि बुसोम लानाय
गोबों बिखा गेजेर गेजेर।
ए! अनसुलि हादर बिमा,
गोजोन संसार बुहुम बिखानि
सुबुंनि लोगोसे माया फाख'न,
गेलेदों नों अराय।
जोनोम, जुलि, थैनाय
खांथि बुहुम बिखानि
थाबायथा नों अराय, दागावसालां
हारि धोराम गोजोन संसार
सिबिगोन नोंखौं गोजोन अराय।

मुसि उज्जल कुमार ब्रह्म
गामि + ला: सो: कमलासिं
जोधोनगिरि- लिखिराम ब्रह्म
जिल्ला - कक्राझार, बि टि आर

गोदो-गोदायनि जारिमिनारि थावनिखौं नायगिदिं हैनो हादतनि माखासे जायगाफोरा दावबायनो गाहाम



गोदान दिल्ली 28 आगस्ट : भारतनि जारिमिनखौं मोनथाम बाहागोआव रन्नाय जादों। बेवहाय
गिबि बाहागोखौं गोदो गोदायनि भारत बुंनाय जायो। गोदो गोदाय भारतनि बिबि जोहोलावफोरनि
जारिमिनखौं सनानि हांखोजों लिरना दोन्नाय जादों। जारिमिनगिरिफोरनि बादिब्ला चन्द्रगुप्त मौर्यनि
जोहोलाव आखुखौं मुलुगनाडे दिनेबो सावरायनाय जायो। बे समाव जैन आरो बौद्ध धोरामखौं
आजावना लानाय जादोंमोन। मौर्य साम्राज्यआव जैन आरो बौद्ध मोनैबो धोरामनि उनसंगिरिफोर
दंमोन। चन्द्रगुप्त मौर्यआ गावनि जोबथा जिउ खुंनाय समाव जैन धोरामखौं आजावना लादोंमोन।
सम्राट अशकआ कलिंग दावहानि उनाव बौद्ध धोरामखौं आजावना लादोंमोन। बौद्ध धोरामआ



हादतनिफ्राय बायजोआव सौहेनायनि गोहोखौं सम्राट अशकनो होनाय जायो। बियो गावनि फिसाज्जला
आरो फिसाडजोफोरखौं बौद्ध धोरामनि फोसावदिनि थाखाय श्रीलंकाजों लोगोसे माखासे गुबुन
गुबुन हादतफोरव दैथाय हरदोंमोन। माखासे जारिमिनगिरिफोर मौर्य खुंथायखौं जोहोलाव मेक्सिमसजों
रुजुदों। आथिखालनि समाव गोदो-गोदायनि भारतखौं खालि लेखा बिलाइआवल' मख'नाय
दं। जुदि गोदो-गोदायनि जारिमिनखौं मोनथिनो गोसो जादोंब्ला, माखासे जायगाफोराव
दावबाय हैनो हागोन-

(1) सुदर्शन बिलोआ गुजरात राइज्योनि गिरनारआव दं। बे बिलोखौं चन्द्रगुप्त मौर्यनि
खुंथाय खुंनाय समाव जावखां होनानै बानायनाय जादों। जारिमिनगिरिनि बादिब्ला मौर्य

साम्राज्यआ सा-सोनाबसिम गोसारदोंमोन। बे समाव मौर्य साम्राज्यनि गायसनगिरि चन्द्रगुप्तनि
बुंजायआव बिनि राइज्यो बेंगिरि पुय्यगुप्तआ सुदर्शन बिलोखौं बानाय होदोंमोन। सम्राट
अशकनि खुंथाय खुंनाय समाव बे बिलोखौं बानायहोफिन्नाय जादोंमोन। बे बिलोखौं
फोरजाफोरनि थाखाय बानायनाय जादोंमोन। गिरनार अभिलेखआव बेखौं मख'नाय दं।
गोदो-गोदायनि जारिमिनखौं नोजोर होनो थाखाय गिरनारआव दावबाय हैनो हागोन।

(2) कर्नाटक राइज्योनि हासन जिल्लायव श्रवण बेलगला दं। बे जायगाआ गोबां
गोथार। जैन धोरामनि उनसंगिरिफोरनि थाखाय श्रवणबेलगलाआ मक्का मदीनानि समान। बे
जायगाआव चन्द्रगुप्त मौर्यआ गावनि जिउनि जोबथा हांखौं बोदों। बे बाथाखौं जैन धोराम



बिजाबआव मख'नाय दं। तामिल सल'बाथा मुरानारु आरो अहनानुरआवबो चन्द्रगुप्त मौर्यनि
जोहोलाव आखुखौं सावरायनाय दं। गोबां सुबुंफोरा श्रवणबेलगलाआव दावबाय हैयो।
मख'नो गोनानि जैन धोरामनि सुबुंफोरा बेवहाय बांसिन दावबाय हैयो।

(3) उरिष्यानि राजथावनि भुबनेश्वरनिफ्राय 8 कि:मि: गोजानआव धौली जायगा
दं। जारिमिनगिरिनि बादिब्ला दया दैमानि बोरिमाआव कलिंग दावहाया जादोंमोन। बे
दावहायाव सम्राट अशकआ देरहादोंमोन। नाथाय बिनि गोसोआ सोलायनायनि जाहोनाव
मौर्य खुंथाया थुंगे हैदोंमोन। बे दावहाआव 1 लाख सुबुंफोरा थैदोंमोन। कलिंग दावहाया



सम्राट अशकनि जिउनि खुंनाय समनि जोबथा थांखि लानायमोन। बे दावहानि उनाव सम्राट
अशकआ हाथियार दोयैनि समायखिरा लादोंमोन। लोगोसेनो बौद्ध धोरामखौंबो आजावना
लादों। बोसोरफामबो धौली शान्ति स्तुपआव कलिंग महात्सबखौं फालिनाय जायो। बे
महात्सबनि थांखिया गोजोनखौं गायसननाय। गोदो-गोदायनि जारिमिनखौं नोजोर होनो
थाखाय खनसे कलिंगयाव दावबाय हैनो हागोन।

गोसो थोनायनि रंजानाय

-टेनिसन बसुमतारी

आं थाफैबाय दिने गोदाउ सोराव
आंखौं दोनफैबाय जोनोमगिरि आइ आरो अफा
आंनो अननायजों होदोंमोन मबाइल फन;
नाथाय आं गेलेयो रंमानटिक मेल'दियाव
आंनो नांगी प्रचान्ट लैथोमाखौं;
हमारथ' गोसोखौं सुस्त्यायनो हो।
सानफोमबो नागिरो आं हेन्दसाम बय
आं रायज्जायो बौसोरबादि हेन्दसामजोंल';
बिजाब मेला बोलायाय सिमां सिमां नुयो;
बै सिमांआ आंनि रंमानटिक अवेभआव गेलेनो-
गोसोआ हास्थायो हिनाजव गोदाननि महर;
नाथाय आं दिने प्रमसनआव फेल।
आंनि देरसिन सेरजों सोरबा संस्राया राव ह'रोब्ला-
आंहा सेल्प कन्दल गैखाया
फावआव आंनि कुनजुगेसन।
हास्थायदोंमोन जोनोमगिरिफ्रा
मानसि महर'नो संसाराव दोनलांफिनो नाथाय
दिने मिउजिकेल नाइटाव गोजावबाय
मिथिंगायाव समायना हाग्राखौल' नुयो समायना
मुलुगाव जायहा बांसिन मेलेमगोनां
बैसोरल' जायगा बांसिन मेलेमगोनां
सोरल' जायगा मोनसिगोन ?
नाथाइ दिने सुंद' जीउनि थांखि नोंहा।
दुखु मोनदों दिने जोनोमगिरि आय आरो आफा;
नोंनि थाखाय आं थोजासे रं गारदोंमोन
नोंनि थाखाय आं आंनि जानायखौं गारथ'दोंमोन
समाव-सम गोसोखौब्ला
होन्नाय आयनि आरो आफानि राव
मैया हराव आं सादोंमोन नोंखौं
आंनि सानश्र'हाये उनदाहा लानानै;
जाहोनाव सिगलाबदोंमोन आंनि मिजिं देराया
आं सोंदों, "जोनोम लानानै नों आदुवा
जायोब्ला हाथफला महर लानांगोन।"
थादों सुबुं, "आं बेबादि समावल' गात्रयो।"

पबित्र रिश्ता 2.0 आव मानब अर्चनाणि जराखौ नुनो मोनबावसिगोन

गोदान दिल्ली, 28 आगस्ट: रूसारि फावखुंगुर सुशान्त सिं राजपुतखौ बिनि हास्थायगिरिफोरा दिनेसिमबो बावनो हायाखै। बेबादिआव बिनि डेब्यु सिरियाल पबित्र रिश्तानि नैथि सिजनआ फेनायाव हास्थायगिरिफोरा बिखौ आरोबाव बांसिनै गोसोखांदों। 2009 आव जागायनाय सिरियाल पबित्र रिश्तानि नैथि सिजन पबित्र रिश्ता 2.0 आ थाबैनो नुजासिगोन। सिरियालआव अर्चनानि फावआव अंकिता लखन्डेखौनो नुनो मोनगोन, नाथाय मानबनि फावआव बे केबआव सुशान्त सिं राजपुतनि जायगायाव शहीर शेखखौ नुनो मोनगोन। आधिकालाव एकता कापुरआ

फोसावदोंदि, सिरियालनि नैथि सिजनखौ थाबैनो फोसावदिं खालामनाय जासिगोन। पबित्र रिश्तानि गिबि सिजनखौ एकता कापुरआ दिहुन्दोंमोन। बेरफासैं बेनि नैथि सिजननि दिहुनगिरिआबो एकता कापुरआनो। बावैसो समाव एकता कापुरआ फोसावदोंदि, बे सिरियालनि नैथि सिजनखौ बप्पानि आशिबादजों थाबैनो फोसावदिं खालामसिगोन। सिलियालखौ ZEE 5 Premium आव दिन्थिनाय जागोन। बेनि माखासे साननि उनाव अल्ट बालाजीआवबो बेखौ नायनो हागोन। सिरियालआ सेप्टेम्बर दाननिफ्राय जागायगोन। दासिमआव बेनि अक्टआ



सोराडाव फैयाखै। एकता कापुरआ गावनि मावख'यारि इन्स्टाग्राम एकाउन्टनि गेजेरजों मोनसे भिडियखौ शेरयार खालामनानै बे बाथ्राखौ फोसावदोंदि। एकताया जाय बिडियखौ शेरयार खालामदों बे

भिडियआव पबित्र रिश्तानि 2009 निफ्राय लानानै 2014 सिमनि गासैंबो समखौ सेबखानाय जादों, जेरव गणेश

मिनिषा लाम्बाखौ सुजित सिरकारआ गोब्राबै मोबादों, जायनि उनाव फावखुंग्रिया जोबोद गाबनांदों



गोदान दिल्ली, 28 आगस्ट : बलिउड फावखुंग्रि मिनिषा लाम्बाआ आधिखालाव सावथुन मुलुगनिफ्राय गोजानाव थादों नाथाय ससियेल मिडियाआव बियो साग्लोवसारनानै थाबाय थायो। बावैसो समाव फावखुंग्रिया गावनि बयफ्रेन्डनि जोनोम सानखौ फालिदों आरो बिखौ किस खालामनाय सावगारिखौ गावनि इन्स्टाग्रामआव सेयार खालामदों। मिनिषा लाम्बाया सावथुन केरियाखौ सावथुन यहाँ जोगायदोंमोन। बे सावथुनि सोमोन्दै मिनिषाया फोरमायदोंमोनदि, मोनसे सीननि थाखाय गाव डाइरेक्टरजों सोबाजादोंमोन। मिनिषा लाम्बाया गावनि गिबि सावथुनआव डाइरेक्टरजों सोबाजादोंमोन। बे जाथायनि सोमोन्दै बियो मोनसे इन्टरभिउआव फोरमायदोंमोन। मिनिषाआ फोरमायदोंमोनदि जेब्ला गाव गावनि गिबि सावथुननि सुटिंखौ खालामदोंमोन अब्ला मोनसे जायगायाव गाबनांगौमोन, नाथाय बियो गाबनो ऑंखारखौमोन। खनले खनले नाजासेयावबो बियो इमशनेल जानो हायाखैमोन। बेनि सायाव मिनिषाया सावथुननि डाइरेक्टर सुजित सरकारनाव रिक्वेस्ट खालामो जाहाथे बियो गावखौ सोबायो। सुजितआ बिखौ सोबायो आरो मिनिषाया सटआव गोबां गाबो। मिनिषाया बेखौबो फोरमायदोंदि, सावथुनफोराव बिखौ लाबोनायनि गासिबो गोहोआ सुजित सरकारनाव थाडे। मानोना बियो माब्लाबाबो सावथुननि बाहागो जानो हास्थायखैमोन। सुजितआ बिखौ आरो बिनि नख'रनि सुबुंफोरखौ गनायहोदोंदि बियो सावथुन इन्डारिस्टआव माखासे मोजॉं फाव खालामनो हागोन आरो बिनिनो फोथायनायजों मिनिषाया एक्टिनि मुलुगआव आगान होदोंमोन। मख'नो गोनादि, बेनि सिगां मिनिषा लाम्बाआ रियानदेमजों जुलि जादोंमोन। 2013 आव बिसोरो लोगो मोननायदोंमोन आरो जुलि जादोंमोन। मिनिषाया फिसाइजों 2018 आव फाथैलाइ बिसिदोंमोन। आधिखालाव फावखुंग्रिया गावनि गोदान पाटनार मोनफिनबाय आरो फावखुंग्रिखौ बिजों लोगोसे गोबां खुसियाव नुनो मोनो। बियो लास्त्रियै गावनि बयफ्रेन्डजों लोगोसे आउटिं खालामनाय सावगारिफोरखौ सेयार खालामनाय थायो।

प्रभासआ गोदान सावगारिफोरनि जाहोनाव बडि सेभिनि मैहुर जादों



गोदान दिल्ली, 28 आगस्ट: खोला भारतनि सुपार स्टार फावखुंगुर प्रभासआ बाहुबलीनि गेजेरजों मोनसे गोदान जारिमिन सोरजिनो हादों। प्रभासआ आधिखालाव ऑंखारनो गोनां सावथुन आदिपुरुषखौ लानानै गोबां खौरडव थादों। प्रभासआ गावनि बे सावथुननि थियारिफोराव नांथाबनानै दड। आदिपुरुषखौ लानानै लास्त्रियै गोदान गोदान खौरांफोरा सोराडव फैदों। बेनि गेजेरवको आधिखालाव प्रभासनि माखासे सावगारिफोरा खौरडव थाबाय

थादों। बावैसो समाव प्रभासखौ मुम्बाइआव पेपराजीआ गावनि केमेरयाव सेबखांदों। बे समनि बिनि सावगारिफोरा गोखैयै भाइरेल जादों। सावगारिआव नुनो मोन्दोंदि, प्रभासआ गारिआव जिरायदों। बेरफासैं बे सावगारिआव फावखुंगुरजों लोगोसे बलिउडनि फावखुंग्रि कृति सेननखौबो नुनो मोन्दों। नाथाय सावगारिआ सोराडाव फेनाय लोगो लोगोनो प्रभासआ बडि शोभिंखौ लानानै टूल जादों। प्रभासनि भाइरेल जानाय सावगारिआव नुनो मोन्दोंदि,

प्रियंका चप्रा जनासआ शुटिनि समाव जोखोम जादों

गोदान दिल्ली, 28 आगस्ट: फावखुंग्रि प्रियंका चप्रा जनासआ आधिखालाव गावनि गोदान श्व' सिटेडलनि शुटिं खालामगासिनो। प्रियंकाया शुटिनि समाव लानाय गावनि सावगारिफोरखौ इन्स्टाग्राम स्टरीआव शेरयार खालामदों, जेरव बिनि खर'आव जोखोम जानाय नुनो मोन्दों आरो खालायावबो बौनायनि दागो नुनो मोन्दों। बिनि जोखोम जानाय दागोफोरनि गेजेरव मोनसेआ नंगुबै जोखोम जानायनि दागो। गावनि सावगारिनि गेजेरजों प्रियंकाया नंगुबै जोखोम जानायनि दागो आरो शुटिनि नख'लि दागोखौ रोखायैनो फोरमायनानै होदों। गिबि सावगारिआव प्रियंकानि खर'आव जोखोम जानायनिफ्राय थै गनाय नुनो मोन्दों। बे सावगारिआव प्रियंकाया लिखदों-बबेया नंगुबै बबेया नंखाय? नैथि सावगारिआव प्रियंकाया गावनि मेगन मुसुगुरनि गोजौनि जोखोम जानाय बाहागोखौ जुम खालामनानै दिन्थिदों आरो बेखौ



नंगुबै जोखोम जानाय होन्नानै बुंदों। बेरफासैं मेगननि गाहायाव गुबुन मोनसेबाव जोखोम जानायनि दागो नुनो मोन्दों, जाय नंखाय दागो, शुटिनि थाखाय मेकआप खालामनाय। बेखौ प्रियंकाया नख'लि दागो होन्नानै फोरमायदों। बावैसो सिगांनि सानआव प्रियंकानि बे श्व'नि शुटिनि सावगारिफोरा ससेल मिडियाआव भाइरेल जादोंमोन, जेरव बिखौ मोनसे इन्टेन्स नुथायनि शुट खालामनाय नुनो मोन्दोंमोन। सिटेडलआव प्रियंकाया सासे सान्थिनि फाव खालामदों। बे श्व'आव प्रियंकाया गेम अप थ्रन्सनि फेम रिचार्ड मेडनजों स्क्रीनखौ शेरयार खालामगोन। प्रियंकाया बे सिरिजनि शुटिंखौ लन्डनआव सोलिफु बोसोरनि

हाबजे न्नायनिफ्रायनो खालामनाय थादों। बे सिरिजखौ एमेजन प्राइम भिडियआव स्ट्रीम खालामनाय जागोन आरो बे सिरिजआ प्रियंकानि वेब सिरिज डेब्यु जागोन। बे सिरिजनि एक्जिक्वुटिभ प्रडिउसआरआ एथेन्जार्स-एन्ड गेमनि बिथोनगिरि रूस ब्रादासं। बेनि सिगां प्रियंकाया गावनि इन्टरसेनेल फिल्म टेक्सट फर इडनि शुटिंखौ आबुं खालामदोंमोन। प्रियंकाखौ हलिउड सावथुन मेट्रिक्स 4 आवबो फाव खालामनाय नुनो मोनगोन, जायनि बिमु'खौ बावैसो सिगां रिभिल खालामदों। बलिउड सावथुनआव प्रियंकाखौ फारहान आख्तारनि बिथोन होनायाव बानायनो नागिरनाय सावथुन जी ले जराआव कट्टिना काइफ आरो आलीया भाट्टजों लोगोसे नुनो मोनगोन। बेयो मोनसे रड ट्रिप सावथुन, जायखौ जिन्दगी ना मिलेगी दबारनि सायाव बिथा खालामनानै बानायनो लानाय जादों।

गोदान दिल्ली, 28 आगस्ट : बलिउडनि खिलाड़ी एवा अक्षय कुमारआ गावनि एक्टिजों जैर नायगिरिफोरनि गोसोखौ देरहायो, बेबायदिनो गावनि फिसा फिसा जंखायनायजों साफ्रोमबोनि गोसोखौ बोनो हायो। गावनि नांथाबनाय समाव बियो अरायसम खुसि आरो उदाडै थायो। अक्षय कुमारआ सम सम गावनि नख'रनि सुबुंफोर आरो फ्रेन्डफोरजों लोगोसे जंखाय लायबाय थायो। अक्षय कुमारआ प्रेन्क खालामनो गोबां मोजॉं मोनो। बेनि मोनसे बिदिन्थिखौ कमेडि श्व' दा



कपिल शर्मानि जाज अर्चना पुरन सिंआ गावनि इन्स्टाग्रामआव सेयार खालामदों। बेवहाय अक्षयआ फावखुंग्रि बाणी कापुरखौ गाहायाव खोखलैनो थांखि जादोंमोन। नाथाय बियो रैखाथि

गाहाम देहानि राहा

उदै खालियाव माब्लाबाबो बे मोन 6 खामानिखौ मावनो नाड, नडाब्ला देहाया गाजि जानो हागौ

जैरेबादियै उदै खालियाव माबा मोनसे जाग्रा मुवा जानाया मुलाम्फा गोनां जायो। बेबादिनो उदै खालिआव माखासे खामानि मावनाया जोबोद खहा गोनां जायो। अदेबानि रणबीर कापुर, बिद्या बालन बायदि सेलिब्रिटीनि निउट्रिसिनिस्ट फुजा मखीजाया माखासे जाग्रा मुवा आरो खामानिफोरनि सोमोन्दै फोरमायो, जायफोरखौ उदै खालियाव खालामनाया खैफोदखौ खालामना लानायनि समान। फुनि समाव ऑंखाम उखैनायाव बे खामानिफोरखौ मावनायजों देहाया गाजि जानो हागौ। (1) उदै खालियाव साहा-कफी लॉनाय: माखासे सुबुंफोरनि सानआ साहा-कफी बायदि केफिन ड्रिंकिन अनगायै जागाया। नाथाय निउट्रिसिनिस्ट फुजा मखीजाया उदै खालियाव साहा एबा कफी बायदि केफिन गोनां बेसाद लॉनायखौ हँथा होयो। मानोना बेबादि खालामनायजों गेस एबा एसिडिटीनि जेना सोमजिनो हागौ होन्नानै बिथाड फोरमायो। (2) उदै खालियाव जो लॉनाय: एक्सपार्टनि बादिब्ला, जुदि गोबाव समनिफ्रायनो जेबो जायखैब्ला जो लॉनो नाड। बेबादि खालामनायजों एल्कहलआ थॉजोडै थैयाव सौहैयो आरो थाबैनो देहानि गासैं बाहागोफोराव गोसोरो। बेबादि खालामनायजों ब्लाड प्रेसारआ खम जानाय बायदि जेना सोमजिनो हागौ। 1 मिनिटनि गेजेरवको एल्कहलआ उदैनिफ्राय खर'सिम सौहैनो हागौ। लोगोसे किडनी, संपल आरो लिभारखौबो खहा खालामनो हागौ। (3) गाम सावसुबनाय: उदै खालियाव गाम

सावसुबनाया गोरोन्थि। मानोना जों जेब्ला माबा मोनसे सावसुबो अब्ला खर'मेलेमआ उदैखौ डायजेस्टिभ एसिड सोमजिनोनायनि इसारा होयो। जाहाथे उदैयाव सौहैनाय जाग्रा आदारआ गोलेयै दोगोन जानो हायो। नाथाय गामनि बिथिडाव उदैसिम जेबो सौहैया, जायजों उदैयाव आल्सर जानो हागौ। (4) उदै खालियाव एन्टि-इफ्लेमेटरी मुलि जानाय: निउट्रिसिनिस्ट फुजा मखीजाया उदै खालियाव बुनाय एबा सानायखौ खम खालामग्रा एन्टि-इन्फ्लेमेटरी मुलिफोर जानायखौ बादा खालामो। मानोना बेजों उदैयाव जेना सोमजिनो हागौ। (5) उदै खालियाव शपिं खालामनाय: एक्सपार्टफोरनि बुनाय बादिब्ला, उदै खालियाव शपिं खालामनो नाड। मानोना मोननै रिसार्चआव फोरमान जादोंदि, उदै खालियाव शपिं खालामनायजों जौनि गोनांथि गैयै बेसादफोर बायनाया बांनायजों लोगोसे जों बांद्राय केलरि गोनां फुड एबा जॉक फुडबो बायनो हागौ, जाय सिफि आरो देहा मोननैनि थाखायबो खहा गोनां जानो हागौ। (6) उदै खालियाव नांज्लायनाय: एक्सपार्टफोर उदै खालियाव नांज्लायनायखौ बादा खालामो। मानोना उखैनायनि जाहोनाव देहायाव ब्लाड सुगारनि थाखोआ खम जायो, जायनि जाहोनाव बांद्राय रगा जौनो हागौ। बेनिखायनो बेबादि समाव बबेबा बाथ्रानि सायाव दान्थे-बिदान्थे खालामनायजों दावराव-दावसिआ बारायनो हागौ।

फावखुंगुर गौरब दिक्षितखौ एनसिबिआ ड्रामसनि केसआव हमबाय

गोदान दिल्ली, 28 आगस्ट : टिभिनि फावखुंगुर गौरब दिक्षितखौ ड्रामस दोन्नायनि दायआव नारटिक्स कन्ट्रल ब्युर' एनसिबिया हमदों। मख'जाथावदि गौरबनि न'आव एमडि आरो चरस बायदि होबथा जानाय ड्रामसफोरखौ मोन्नायनि उनाव बिखौ हमनाय जायो। खौरांनि बादिब्ला, फावखुंगुर एजाज खानआ सौंथि सौंनायाव गौरबनि मुंखौ लादोंमोन, जायनि बिथा खालामना बे नायबिजिनयाखौ खालामनाय जायो। थानाय एप्रिल दानआवबो एससिबिनि हान्जाया गौरबनि न'आव सिग्रोमनायाव गौरबनि न'निफ्राय एमडि, एमडिफ आरु चरस बायदिखौ बोखानो हानाय बाथ्राया सोरांआव फैदोंमोन। सिग्रोमनाय समाव गौरबआ गावनि न'आव



गैयामोन आरो जेब्ला बियो गावनि फलेटआव फेनाय समाव एनसिबिखौ नुदोंमोन अब्ला बाइजोनिफ्रायनो खारखौ मालांदोंमोन। फावखुंगुरआ धुपालनि थागिबि आरो बियो पावार इलेक्ट्रिकआव इन्जिनयारि डिग्री लादोंमोन। उनाव मडेलिंआव बाहागो लायो आरो बेनिफ्राय फावखुंगुर जायो। बिखौ सावथुन, टिभि सिरियाल आरो फोसावदिं

(एडभारटइस) फोरवबो फाव खालामनाय नुनो मोनो। फावखुंगुर गौरबआ हेप्पी भाग जाएगी, हेप्पी फिर भाग जाएगी, देख : ए रेस्टलेस माइन्ड, दा मेजिक अफ सिनेमा आरो गंगा कैपारसैयां हमार बायदि सावथुनफोराव फाव खालामनायबाय। बेजों लोगोसे सीता आरो गीता बायदि टिभि श्व'आवबो बियो फाव खालामनायबाय।

अक्षय कुमारनि दा कपिल शर्मा श्व'नि सेटआव बाणी कापुरखौ खोखलैनो नाजानाय भिडिआ भाइरेल जादों

लोगोसे नुनो मोन्दों। सेटआव अक्षयजों लोगोसे कपिल शर्मा, भारती सिं आरो गुबुन फावगिरिफोरखौ जौसांआव माखासे डिस्कस खालामनायखौबो नुनो मोन्दों। फारसैथि नायगिरिफोरनि मोनसे जुथायखौ भिडियाव नुनो मोन्दों। बेयो मोनसे बिहाइन्ड दा सीन भिडिय जाय ससियेल मिडियाआव भाइरेल जाखोबाय। बे भिडियआव अर्चना पुरनआ मवाइलजों भिडिय बानायदों। साफ्रोमखौबो फावखुंग्रि बाणीखौ स्टेजआव नेनाय नुनो मोनो। बाणीआ फेनाय सम

जानाय लोगो लोगोनो अक्षय कुमारआ टेबलनिफ्राय दैखानानै मोनसे थालेरनि बिगुर एन्ट्रि गेटनि गेजेरव जोनो, जाहाथे बाणीआ हाइहिल गान्नानै लिमिननानै गोलैयो। अक्षयआ सेरआव गंसनानै बाणीखौ रैखाथि होनो नेबाय थायो। बाणीया फेयो, नाथाय बियो हायाव गोलैनाय थालेर बिगुरखौ नुयो आरो बेनिफ्राय रैखाथियै ऑंखारबोयो। बेजों लोगोसेनो बियो मोन्थियोदि बेहाबाफिरिखौ सोर मावनो हागौ। बियो मिनिनो हमो आरो अक्षयनि फारसे इसारा खालामो।

आमेरिकाया 48 घन्टानि गेजेराव गावसोरनि सा 13 सान्शिफोर थैनायनि खिथेर लानानै आइएसआइएसनि केम्पफोराव ड्रनजों गाग्लोबदों

वासिंन्टन, 28 आगस्ट : जुथाय राइज्यो आमेरिकाया 48 घन्टानि गेजेराव काबुल एयारपर्टआव जानाय गाग्लोबनायनि खिथेर लायो। आफगानिस्तानआव आमेरिकानि सान्शिफोरा बे गाग्लोबनायनि खैसार साग्राफोरनि हेँथायै गिदिर नायबिजिरयों। बेनि गेजेरजों सान्शिफोरा आफगानिस्तानआव आइएसआइएसनि केम्पफोरनि सायाव ड्रनजों गाग्लोबो। काबुल एयारपर्टयाव जानाय सुइसाइड बमा बेरफुनायाव सा 169 आफगान आरो सा 13 आमेरिकानि सान्शिफोरा थैदोंमोन। बेजों लोगोसे आमेरिकाया सुबुंफोरखौ थाबैनो काबुल एयारपर्टनि गेटखौ नागरनो थिनो? आमेरिकानि सेन्ट्रल कामान्डनि बुँथिगिरि केप्टेन बिल अर्बानआ बुँनाय बायदिब्ला, आमेरिकानि सान्शि हान्जाफोरा आइएस आइएस-केनि यजनाफोरनि हेँथायै उतखारि होबथानाय अभियान सालायबाय। बेनि गेजेरजों आफगानिस्ताननि नंगहार ओन्सोलाव उरां जाहाजजों गाग्लोबो। बे गाग्लोबनायाव रावबो नोगोरारिनि जिउ ख'हा



जानायनि खौरां मोन्नाय जायाखै। बेराफार्से, ज' बाइडेननि बोसोनगिरिफोरा आफगानिस्तानाव गाग्लोब बावनो हागौ होन्ना बुँदों। काबुलआव आइएसनि गाग्लोबनायनि उनाव हादतगिरि बाइडेनआ माहारियायि रैखाथि बोसोनगिरि, सान्शिग्रारि बिबानगिरिफोर आरो राजखान्शिगिरिफोरजों लोगोसे जथुमा खालामदोंमोन। बे जथुमाआव बोसोनगिरिफोरा काबुलाव उतखारिफोरा

गाग्लोबबानो हागौ होन्ना बुँदोंमोन। आमेरिकाआ दासिमाव 1 लाखनिखुइ बांसिन सुबुंफोरखौ आफगानिस्ताननिफ्र 1य बाइजोआव दिहुनखांबाय, जेराव बिसोरनि नोगोरारिफोरजों लोगोसे हेफाजाबगिरि हादतफोर आरो आफगानिसफोरा दंफायो। सुलुनि बायदिब्ला, आमेरिकानि हादतगिरि ज' बाइडेनआ इस्लामिक स्टेटखौ थांनाय बृहस्पतिबारखालि सुइसाइड बमाजों

गाग्लोबनायनि थाखाय दाय हमनानै बे गाग्लोबनाय जाथाइखौ खालामग्रा आरो आमेरिकाखौ ख'हा खालामग्राफोरखौ जों हगारनाय नडा होन्ना नै बुँदो। जों बिसोरखौ हमनानै बेनि साजा होगोन। बेजों लोगोसे बाइडेनआ कामान्डारफोरखौ आइएसआइएस-के नि केम्पफोरखौ दैदेनगिरिफोर आरो सुबिधाफोरनि सायाव गाग्लोबनायनि यजनाखौ थियारि खालामनो बिथोनबो होदोंमोन।

जम्मु-काश्मीरनिफ्राय आर्टिकेल 370 खौ बोखारनायनि हेँथायै सिपिआइ (एम) नि दैदेनगिरिआ हियारिनि दाबि दैखादों

गोदान दिल्ली, 28 आगस्ट: सिपिआइ(एम) नि गागि दैदेनगिरि महम्मद युसुफ तारिगामिया जम्मु आरो काश्मीरनिफ्राय जर'खा बिमुंखौ बोखारनाय होनाय मिरु सरकारनि थांखिनि हेँथायै सुप्रिम कर्टआव आर'जलाइ गथायदों। सिपिआइ(एम) नि दैदेनगिरिआ शुक्रबारखालि सुप्रिम कर्टआव गांसे आर'जलाइ थिसन्दों आरो मिरु सरकारनि बे थांखि लानायखौ सेलेन्स होनानै बेनि सायाव थाबैनो हियारि होनो दाबि दैखादों बिजिरसालिआव। तारिगामिया आर'जलाइयाव मिरु सरकारनि 2019 नि 5 आगस्टआव होनाय बिथोनफोरखौ आइन बेरेखा होन्ना नै बुँदों। बियो बुँबावोदि, सरकारआ मोनसे डेलिमिटेसन कमिसन बानायदों, जाहाथे बियो बिधान सभा बिसायख'थि खुँनायनि सिमां सिमां राइज्योनि सिमां थि खालामनो हायो। जम्मु आरो काश्मीर डेभेलपमेन्ट एक्टआव जाय सोलायनाय लाबोदों, बे सोलायनायनि बादिब्ला, बेयाव बुँनाय जादोंदि, जायखि-जाया सुबुज जुदि बैयावनि अरायथा थागिबि नडाब्लाबो बियो बैयाव



आबाद मावग्रा हानि अनगायै गुबुन हाफोरखौ बायनो हायो। बेनि अनगायै जम्मु-काश्मीर राइज्यो कमिसन, जम्मु-काश्मीर राइज्यो एकाउन्टबिलिटी कमिसन, जम्मु-काश्मीर कन्जुमार प्रटेक्सन कमिसन आरो जम्मु-काश्मीर सुबुं मोन्थाय आयगखौ फोजोबनानै होदों। महम्मद युसुफआ मिरु

सरकारनि बे थांखि लानायफोरखौ रायखानानै बुँदोंदि, बे गासैबो थांखिफोरा संबिजितयारि नडा। बे केसखौ जुदि थाबैनो हियारि होयाब्ला, बेयो आर'जलाइ गथायग्राफोरखौ इनाय-अनागार खालामनाय जागोन। मख'जाथावदि, जम्मु-काश्मीरनिफ्राय आर्टिकेल 370 खौ बोखारनायनि उननिफ्रायनो तारिगामीया मिरु सरकारखौ गोखौ रावजों गाग्लोबबोबाय थादों।

पाकिस्ताननि कराचिआव थानाय केमिकेल फेक्टरीआव अरनांनयजों सा 16 सुबुंफोर थैदों

कराचि, 28 आगस्ट: पाकिस्ताननि कराचिआव थानाय शुक्रबारखालि गांसे कारखानायार अरनांनयजों खमैब्लाबो सा 16 सुबुंफोरनि जिउ खहा जायो। जायगानि मिडियाआ पुलिस आरो रैखा खालामग्रा बिबानगिरिफोरनि फोरमायनायाव बेनि खौरां होयो। पाकिस्ताननि खौरंगलाइ डननि बादिब्ला, जिन्ना परस्ट्रोजुएट मेडिकेल सेन्टरनि उफ्रा पुलिस सार्जन डा. सुमेय्या सैयदआ बुडेदि, दासिमआव सा 16 नि गोथै सहफोरखौ देहा फाहामसालिआव लांखांबाय आरो थैनायनि अन्जिमाया बारायबावनो हागौ। बिथाडा बुँनाय बादिब्ला, सा 12 नि गोथै सहखौ सिनायनो हाबाय आरो साब्रैखौ दासिमबो सिनायनो हायाखै। बिथाडा गासै थैनायफोरनि बैसोआ 18-38 बोसोरनि गेजेराव होन्ना नै फोरमायो। बे जाथायनि सोमोन्दै करंगीनि एसएसपि शाहजहांआ बुडेदि, पुलिसनो खौरां होनाय बादिब्ला, बे बिल्डिडाव दासिमबो सा 25 सुबुंफोर लामा गोथैना नै दड आरो बिसोर थैबायबो जानो हासिगो।



पाकिस्तान रेन्जासनि सासे बुँथिगिरिनि बादिब्ला, कारखानायार अरनांनयनि उनाव गासै ओन्सोलखौ बे'खन्ना नै लायो आरो रेन्जासनि जवानफोरा रैखा खालामग्रा हान्जाजों लोगोसे रैखा खालामनाय हाबायाव नांथावनानै दड। बे अरआ मेहरान टाउनआव थानाय गांसे रासायनिक कारखानायार नादोंमोन। आथिखालाव बे अरखौ सामलायनो हाबाय आरो रैखा खालामनो नाजानाया सोलिगासिनो दड। पुलिस बिबानगिरिफोरा फोरमायनाय बादिब्ला, सासे इथि भलुन्टियार सहाम (30)

आबो अर हुखोमोरनो नाजानायाव जोखोम जायो। डननि रिपर्टनि बादिब्ला, साहामखौ साथाम गुबुन जोखोम जाग्राफोरजों लोगोसे जेपिएमसिआव लांनाय जाबाय। बेनि गेजेरजों सिन्थनि गिबि मन्थि सैयद मुगद आली शाहआ बे जाथायनि खौरां लायो आरो कराचि कमिसनार आरो लेबार बिफाननो मोनसे रिपर्ट बानायनो बिथोन होयो। बिथाडा बिबानगिरिफोरनो जोखोम जाग्राफोरखौ गाहाम फाहामथाय होनो आरो थैनायफोरनि नख'रफोरनो हेफाजाब होनो बिथोन होयो।

केमिकेलप्लान्टआव अर खामनायजों गिखंथाव थासारि सोमजिदों



लन्डन, 28 आगस्ट : ब्रिटेननि गांसे केमिकेल प्लान्टआव गिखंथाव अर खामनायनि गोसोम उसुन्दैनि अखामाआवबो नुनो मोन्दों। सेटेलाइटनि सावगारिआव उन्दैनि बेलुन

बादि सावगारिखौ केपचार खालामनाय जादों। बिबानगिरिफोर बे जात्रबथायनि सायाव जिगा सिनायखौ फोरमायनानै बुँदों बेयो मिथिगाजों लोगोसे सुबुंनि

देहानि थाखायबो खेफोद गोनां। केमिकेलआव अर नांनयजों बिष गोनां उखुन्दैआ फारफ्रामिथिजायबो गोसारदों। सुबुंफोरा माखासे रोखोमनि जेनाजों मोगा-मोगि जानादों।

बिसोरो न' सिडवनो थानादों। वे जात्रबथायआ ब्रिटिस सहर लेमिंगटन स्पानि केमिकेल फेक्ट्रीआव जादों। गोखोडै बेरफुनायजों अर खामनायआ लासै लासैनो गिखंथाव महर लादों। फेक्ट्रिनिफ्राय ओंखारनाय उखुन्दैनि गिदिर बेलुनखौ 45 मिल गोजाननिफ्रायबो नुहरदों। उखुन्दैजों लोगोसे बिष गोनां प्लास्टिकनि थुखाआ बिरखारनानै सुबुंफोरनि न'फोरव गोले हैदों। सहरनि लामाफोराव प्लास्टिकखौल' नुनाय जादों। पुलिसआ सुबुंफोरनो प्लास्टिकखौ खनखांनो नाडा होन्ना नै सांग्राथि होदों। मानोना खैफोद

गोनां केमिकेल जाहोनाव बेयो जिउखौ लानोबो हागौ। गिखंथाव अर खामनायनि जाहोनाव खाथि खालानि न'फोरखौ खालि खालाम होनाय जाबाय। बेजों लोगोसेनो कबिड मेगा टेस्टि लेबखौबो आथिखालाव बन्द खालामनाय जाबाय। प्लान्टनि सासे मावसुमाया दासिमबो गोमाना दं। उखुन्दैजों लोगोसे रसायननि गोखै मोनामनाया फारफ्रामिथिजायबो गोसारदों, जायनि जाहोनाव सुबुंफोर हां लानो हायाखै। जरखाफोरा सांग्राथि होदोंदि अर खामनायजों साइनाइडजों लोगोसे बिष गोनां गेसफोर ओंखारनो हागौ।

तालिबानआ काबुल एयारपर्ट सिडाव हाब्बाय, मिलटारि सेक्सनआवबो हाब्बाय, नाथाय इउएनआ नेवसिगारदों

काबुल, 28 आगस्ट : आफगानिस्ताननिफ्राय बे समाव तालिबाननि उतखारिफोरा काबुल एयारपर्टआव हाबबाय होन्ना मोनसे गिदिर खौरां फेदों। तालिबाननि 313 बदरी स्पेशल फर्स इउनिटआ काबुल एयारपर्टनि मेलेटारि सेक्सनआव हाबबाय। सुलुनि बायदिब्ला, दासिमाव काबुल एयारपर्टखौ आमेरिकानि सान्शिफोर बेंखन्ना लादोंमोन। बे काबुल एयारपर्टनि गेजेरजोंनो गासै मुलुगा आफगानिस्तानजों सोमोन्दो लाखिदोंमोन। सुलुनि बायदिब्ला थांनाय बुधबाराव काबुल एयारपर्टआव सिरियाल बमा बेरफुदोंमोन, जेराव सा 13 आमेरिकानि सान्शिफोरजों लोगोसे सा 170 सुबुंफोर



थैदोंमोन। बे जाथायनि दायखौ इस्लामिक स्टेट खुरासन प्रबिन्सआ लादोंमोन। तालिबाननि बुँथिगिरि बिलाल करीमआ टुइत खालामनानै बे बाश्रानि खौरां होयो। बियो बुडे काबुल एयारपर्टनि मेलेटारि

बाहागोआव थानाय मोनथाम मख'जाथाव जायगाफोरखौ आमेरिकाआ खालि खालामबाय आरो आथिखालाव बेयो इस्लामिक अमिरादनि बेंखनाव दड। दा आमेरिकानफोरनाव मोनसे फिसा बाहागोल' दँसे।

बेराफार्से, इउएन सेन्ट्रल कामान्डनि हेड जेनेरल फ्रेंक मेकेजीआ सान्शिफोरखौ बांसिने एलाटआव थानो थाखाय थिनदों। मानोना आइएसआइएसआ एयारपर्टनि रैखाथिखौ बारायना होबावबाय।

एयारपर्टखौ टारगेट खालामबावनो हागौ। आथिखालाव आमेरिकाया तालिबाननि काबुल एयारपर्टआव दखल खालामनाय खौरांखौ नेवसिगारदों। पेन्टागननि बाइदिब्ला, तालिबाननिथाव एयारपर्ट अपारिसननि जेबो चार्ज गैया। मख'नो गोनांदि, हवाइट हाउसनि प्रेस सेक्रेटारि जेन साकीयाबो काबुलआव बेरफुनाय जाथाया जाबावनो हागौ होन्ना सन्देह खालामदों। उतखारिफोरनि गाग्लोबनायखौ नोजोर होनानै आमेरिकाआ काबुल एयारपर्टनि रैखाथिखौ बारायना होबावबाय।

आमेरिका आरो ब्रिटेननि मोनसे गोरोन्थिजों रोजा-रोजा आफगानिस्तानीफोरनि जिउआ खैफोदआव

काबुल, 28 आगस्ट: आफगानिस्ताननिफ्राय ओंखारनायनि हाखु-दाखुआव ब्रिटेन आरो आमेरिकाया एरेबादि गोरोन्थि खालामदों, जायजों रोजा-रोजा आफगानिस्तानीफोरनि जिउआ खैफोदआव गोलैयो। अदेबानि ब्रिटिस एम्बेसिफोरनि मावसुमाफोरा बै सुबुंफोरनि लिस्टखौ तालिबाननि आखाइयाव गथायो। बे लिस्टआव बै सुबुंफोरनि मुं, थं बायदिनि खौरांफोरा गासैबो दंजोबो। बेबादिआव तालिबाननि थाखाय बिसोरखौ नागिरनानै साजा होनाया गोरलैसिन जाबावबाय। सुलुनि हादरयारि सान्शिफोरखौ मदद होग्राफोरखौ बुथारदों। बावैसो समाव बिसोर आफगान पुलिस सिफखौबो गिथावनायै बुथारदोंमोन। सुलुनि बादिब्ला, आफगानिस्तानखौ कभार खालामबाय थानाय खौरांगिरि

एन्थनी लयडआ जेब्ला काबुल एम्बेसिआव सौहैयो अब्ला बियो बेयाव माखासे गोलैसोनानै तानाय लेखा बिलाइ नुयो। बे लेखा बिलाइफोराव बै लिस्टआवो दंफायोमोन, जेराव ब्रिटेनखौ हेफाजाब खालामग्राफोरनि आबुं खौरां दड। ब्रिटिस राजथान्देफोर आफगानिस्तान नागरनायनि हाखु-दाखुआव लिस्टखौ बेयावनो नागरलाडो। बेनि अनगायैबो माखासे सांग्राथि गोनां डाटाफोराबो बेयाव गोलैसोनानै दडमोन। रिपर्टआव फोरमायनाय बादिब्ला, खौरांगिरि एन्थनी लयडजों लोगोसे तालिबाननि उतखारिफोराबो दंफायोमोन। बेनिखायनो बियो नाजासेयावबो लिस्टखौ बेयावनिफ्राय बोखारनो हायाखै। ब्रिटिस एम्बेसिनि बे गोरोन्थिजों माखासे आफगानिस्तानीफोरनि जिउआ खैफोदआव गोलैयो। एम्बेसिखौ नायनानै बेबादि नुवाखैमोनिदि, मावसुमाफोरा

सांग्राथि गोनां फोरमानफोरखौ सिलिंखार कालामनायनि प्रतकलखौ फालिगोन। बिसोर गावसोरखौ हेफाजाब होग्रा आफगानिस्तानीफोरनिबो जेबो सिन्था गैयामोन। बेनिकायनो मख'जाथाव लिस्टफोरखौ बेयावनो नागरनानै थांबाय। बेरापासै आमेरिकायाबो मोनसे गिदिर गोरोन्थि खालामो। अदेबानि आमेरिकाया तालिबाननो बै सुबुंफोरनि गासै लिस्टखौ गथायो, जायफोरखौ बिसोर गावसोरनि सुथुर सानो। बिसोर आफगानखौ नागरनो लुबैयो। बे लिस्टआव आमेरिकानि नोगोरारिफोर, ग्रीन कार्ड हल्डसनि अनगायैबो बै आफगानफोरनि सिनायथिफोरा दंफायो, जायफोरा तानाय 20 बोसोराव तालिबाननि हेँथायै दावहायाव आमेरिकाखौ मदद खालामदों। आमेरिकानि बे गोरोन्थिजों रोजा रोजा आफगानफोरनि जिउआ खैफोदआव गोलैबाय।



गासै फरायसालि/फरायसालिमा/मुलुग सोल्लोसालिनि (सरकारि आरो गावयारि) फोरेंगिरिफोरनि थाखाय जर'खा कभिड भेक्सिन मिरु



सेप्टेम्बर दाननि गिबि सप्ताहनिफ्राय गासै गोजौसिन गेजेर फरायसालिनिफ्राय परस्ट ग्रेजुएटसिम सोल्लोथाय फसंथानफोरखौ खुलिफिनो थांखि लानाय हिसाबै जौं साफ्रोमबो फोरेंगिरि आरो मावफारियाफोरखौ (सरकारि आरो गावयारि) कभिड-19 भेक्सिन गिबि आरो नैथि डजखौ लानो थाखाय खावलायबाय। 27 आगस्टनिफ्राय 5 सेप्टेम्बर, 2021 सिम कभिड-19 नि भेक्सिन होनाय जागोन। जिल्ला थाखोआव गाहायाव थं होनाय जर'खा कभिड भेक्सिन मिरुफोराव भेक्सिनखौ गोबाडै मोन्नो हागोन।



भेक्सिनेसन मिरुफोर

गासै जिल्लानि खोन्दो गुदि सोल्लोथाय मावख 'गिरिनि मावखुलि (बिइइअ)

गासै जिल्लानि जिल्ला गुदि सोल्लोथाय मावख 'गिरिनि मावखुलि (डिइइअ)

गासै जिल्लानि फरायसालि नायसंगिरिनि मावखुलि

गासै मुलुग सोल्लोसालिफोरनि केम्पासफोर

ना:गो: थाखो खालामनायाव नुजाथिनायनि थाखाय गिबि डज भेक्सिन आरो हस्टेलआव थाग्राफोरनि थाखाय मोननेबो डज लानाया गोनांथार जागोन।

JANASANYOG/D4886/21



आसाम मोब्लिब जगायथि कम्पानी लिमिटेड
(बाबुई ग्राहकफोरनि फोथायथि कम्पानी)



जौनि बेसेन गोसा ग्राहकफोरनिसिम थि समाव मोब्लिबनि बिलखौ होनो थाखाय खर'गंगलायै खावलायो !



बिमल बरा
मोब्लिब गेहेम आरो हाइमोन अन्साय, हरिसु अन्साय,
दुरिचम बिकानि मन्त्रि, आसाम सरकार

- एपिडिसिएलआ 24x7 मोब्लिब जगायनायनि गुबै थांखिजौं आवुडै ग्राहकफोरनि फोथायथिजानाय कम्पानी।
- एपिडिसिएलआ राइज्योनि मोब्लिबनि गोनांथिखौ आबुं खालामनो गुबुन गुबुन फुखानिफ्राय मोब्लिब बाइयो जायनि थाखाय 80 जोखोन्दोनि बांसिन गासै खरसा जायो।
- एपिडिसिएलआ सुबुं गोहोनि गोखोथिनि मोनसे जखाथिखौ थिसन्नो थाखाय दुलाराय राइज्योयाव मोब्लिब नेटवार्क (एडसटि आरो एलटि मोनैयावबो) खौ सामलायो।
- एपिडिसिएलआ गुबुन गुबुन खामानिफोराव गाहामै सोलिहोनी आरो मोब्लिब बायनायनि थाखाय फाडनि गोनांथि जायो।
- एपिडिसिएलआ गोबां बाहागोनि ग्राहकफोरनि हेँथायै गोबां बिबानि होनो गोनां आद्रा बिल दड। बेफोरनि गेजेराव बयनिखुइबो बांसिनै जायगायारि केटागरिनि।

1
थि समाव होनो गोनां बिलफोरखौ सुख'नायनि थाखाय गोबां समाव गोबांथार बिथांखिफोरखौ जागायदों

2
मोब्लिब बिल होनायनि थाखाय गोबांथार अफलाइन आरो अनलाइननि राहा दं।

www.apdcl.org amazon pay BHIM Google Pay Freecharge PhonePe PNB

एपिडिसिएलआ गावसिनि गासैबो बेसेन गोसा ग्राहकफोरखौ गावसिनि होनो गोनां दानयारि बिलखौ थिखानाय समनि गेजेराव हो आरो साबसिन सिबिथायनि थाखाय जौंखी हेफाजाब खालाम।

आसाम मोब्लिब जगायथि कम्पानी लिमिटेड
आबुई ग्राहकफोरनि फोथायथि कम्पानी

APDCL/2021



जबेखाब my Gov
चबेकरब मेरी सरकार



आसाम सरकार

रेसन कार्ड नागारनानै हेफाजाबनि आखाय बाउहरनि फै

आदार आरो जगायथाय बिफानआ होनाय रेसन कार्डफोरनि बिथाडव लाख-लाख निखावरिफोर माखासे गोनांथार मुवा-बेसादफोरखौ खम बेसेनाव मोननो हायो। सिगांनि समाव रेसन कार्ड मोननो हानाय गोबां नखरफोर आथिखालनि समाव रांखान्थियारि महरै जौगाखांनो हादों। रांखान्थियारि महरै जौगाखांनाय सुबुंफोरा गावनि रेसन कार्डफोरखौ नागारोब्ला साफ्रोमबो निखावरि सुबुंफोरनि थाखाय जौं खम बेसेनाव मुवा-बेसादनि जगायथायखौ बांहोनो हायो।

बेराफार्से आसाम सरकारनि खावलायनायाव रांखान्थियारि महरै गौगाखां आरो अनसुला गोबां सुबुंफोरा निखावरि आरो लोरबांफोरनि सार्थआव रेसन कार्डखौ नागारदों। बिथांमोननिसिम गोसो-गोरबोनिफ्राय साबायखर बाउहरदों।

रेसन कार्ड नागारनायनि बे नाजानायखौ मोनसे गिदिर जांखिथायसिम सोलायनानै निखावरि सुबुंफोरखौ मदद खालामनि फै।

ड॰ हिमन्त बिश्व शर्मा

गिबि मन्त्रि, आसाम



फोरमायथाय आरो सुबुं फोनांजाब बिथोनगिरिख', आसाम

Janasanyog /D/4886/ 21